

1625.

DE

RATIONE, QUAE INTER  
SYSTEMA PLANTARUM  
NATURALE EARUMQUE  
VIRES MEDICINALES  
OBTINET.

DISSERTATIO  
INAUGURALIS MEDICO-BOTANICA

QUAM

CONSENSU ATQUE AUCTORITATE AMPLISSIMI  
MEDICORUM ORDINIS

IN

UNIVERSITATE CAESAREA LITTERARUM  
DORPATENSI

UT GRADUM

DOCTORIS MEDICINAE

RITE ADIPISCATUR

LOCO CONSUETO PUBLICE DEFENDET

GODOFR. GUILIELM. KIESERTZKY,  
RIGENSIS.



RIGAE,  
EX OFFICINA MUELLERI. MDCCXXXVI.

## Pr o o e m i u m.

I m p r i m a t u r,  
ea tamen conditione, ut, simulac typis excusa fuerit haec disseratio, septem exemplaria collegio, cui censura librorum mandata est, tradantur.

Dorpati Livonorum,  
die ix. April. M D C C C X X V I .

Dr. M. E. S T Y X ,  
h. t. Decanus.

D 17535

Ut hoc potissimum argumentum, in quo tractando dissertatio, a me exhibenda, versaretur, eligerem, ansam atque occasionem mihi praebuit commentatio quaedam, non ita diu in lucem proleta, quae inscribitur: "de relatione Methodi plantarum naturalis in vires vegetabilium medicales." Dissertatio inauguralis medico-botanica, quam scripsit Alexander de Bunge. Dorpati Livonorum 1825. — Auctor ejus doctissimus enim sententiae, a de Candolleo expressae, qua proprietates plantarum ex earum formis pendere adstruit, ita adhaeret, ut suo patrocinio cam tueri ac propugnare videatur; quam equidem refutandam putavi, quoniam, me judice, veri potius speciem, quam veritatem prae se ferre censenda atque verendum est, ne umberius exposita et in usum medicum conversa, plus detrimenti quam commodi adferat.

Quodsi, in redarguenda illa sententia desudantes proposita minus prospere successerit, quam pro consilio meo succedere aut potuisset aut de-

buisset, id lector benevolus ignoscat atque  
impedimentis et difficultatibus, quibus premebar,  
cum hanc qualemcumque dissertationem inauguralem  
conscriberem, adtribuat. Etenim quae hocce de  
argumento litteris mandata sunt, tam exiguis con-  
tinentur finibus iique ipsi, quorum exstant scripta,  
auctores, rem tali modo animo sibi informarunt,  
ut inde nulla fere praesidia exspectare mihi licuerit.  
Vel magis ipsum de Candollei opus mihi profuit.  
Praeterea temporis spatium, ad hunc laborem ab-  
solvendum mihi concessum, breve adeo erat, ut  
eo certiores in indulgentia lectorum spem ponere  
posse praesumerem, praesertim cum, tironem pri-  
mitias lucubrationum suarum offerre, aequi judices  
perpenderint.

Postremo non possum quin viris humanis-  
simis, qui operam meam adjuvarunt, Professori  
clarissimo, Augustissimi Imperatoris totius Ruthen-  
iae a consiliis status, D. de Ledebour, Doctori  
medicinae experientissimo de Wilpert ac pharma-  
copolaë Rigensi celebratissimo, Illisch, pro lato  
auxilio prooque insigni, qua me amplexi sunt be-  
nevolentia, ex intimo pectore gratias agam quam  
maximas.

## Caput primum.

De ratione systematum condendorum in  
genere, separatim de plantarum systemate  
naturali.

Arctiores limites, quibus disciplina botanica antiquiori  
memoria circumscripta tenebatur, reputanti, mirum  
haud videbitur, si prima systematis botanici adum-  
bratio in illud tempus cadit, quo ubique locorum in-  
genuae artes ac disciplinae novo quodam impulsu ex-  
citatae et quasi e somno, quo per mille amorum  
spatium, inde ab occasu imperii occidentalis usque  
ad sacrorum emendationem consopitae jacuerant, ex-  
pergefactae sunt. Sed cum sensim sensimque illa  
ignorantiae, superstitionis crassae ac mysticisni ca-  
ligo, veritatis luce discussa, collustraretur, cum verum  
a falso, certum ab incerto sejungendo reperiatur,  
quam pauca reliqua essent, de quibus gloriari posset  
humana intelligentia, nova in litteris excolendis ex-  
oriebatur industria. Neque enim homines, ingenio  
acriori praediti, in eo acquireverunt ut, quae antiqui-  
tus essent inventa et explorata addiscerent et denuo  
persercurarentur, ipsi potius ad naturae contemplatio-  
nem animum advertere, singulaque ejus phaenomena  
sensibus ac mente percipere coeperunt operamque  
dederunt ut aliorum observationes colligerent atque  
res homogeneas inter se compararent: quo ex conatu  
prima systematum condendorum prodibat et oppor-  
tunitas et necessitas. Idem obtigit botanicæ studio.  
Inde ab antiquissimo plantarum observatore, Theophrasto Eresio<sup>(1)</sup>, qui anno 300 ante Ch. n. floruit,

(1) Theophrasti Eresii de historia plantarum libri decem graece  
et latine edidit Joan. Bodaei à Stapel. Fol. Amstelod. 1644.  
apud Henricum Laurentium.

ad initium usque seculi decimi sexti parum haec disciplina cepit incrementi. Dioscorides, anno 64 post acram salutis innotescens, in opere suo<sup>(2)</sup>, 600 plantas et quod excurrit describendas curavit, neque tamen artis quandam formulam sequitur. Caius Plinius Secundus, qui quidem tria naturae regna pertractavit, in phytologia in primis Dioscoridem respiciebat. Secundum ejus sententiam, praeter plantas, ab eo allatas, adhuc aliae sunt, quae, ut ait, juxta septa, in via et campis crescent, anonyiae vero et inutiles. Hoc modo igitur botanice, proprio suo decore privata, non in numero doctrinarum, propriis stirpibus innixarum, referebatur, sed medicinae tanquam serva adjungebatur, ita quidem ut eas tantummodo plantas, quibus sive traditione sive experientia ducti, vires quasdam medicinales adscriberent, notatu dignas haberent memoriaeque proderent. Hinc medici duntaxat ad studium botanices incunbebant atque hoc respectu scripta Galeni, Oribasii, Pauli Aeginetae, inter Arabes Mesuēs, Serapionis, Rhazis, Avicennae, quorum nomina in arte salutari celebrantur, praecipue sunt adeunda. Neque tamen eorum in nos merita nimis sunt laudanda, cum iis contenti essent, quae in antiquiorum medicorum, Theophrasti utique et Dioscoridis operibus, invenierant. Seriori tempore omnis propemodum eruditio sedem in monasteriis fixerat et ad praegressorum seculorum ignorantiam accedebat mysticismus ac superstitione, quibus, quo minus in litteris proficerent, homines prohibebantur.

Eo loco res erant usque ad seculi decimi sexti auspicia. Tum vero prodit Brunsfelsius, qui jam botanicas disciplinam, tanquam propriis legibus adstrictam, a medicina separari debere existimabat. Opera ejus perrara sunt.<sup>(3)</sup> Eandem laudabilem semitam ingressi sunt Bockius, (qui nomine synonymo graeco Tragus appellatur), Euricus et Valerius Cordus, praeccipue vero Conradus Gessnerus, qui magnum

novarum plantarum numerum divulgabat. Simili eademque honorifica ratione commemorandi sunt Leonardus Fuchsius, Petrus Andreas Matthiolus, Rembertus Dodonaeus, qui ob diligentiam, qua imagines, ligno incisas, exhibebat et ob descriptiones, quas reliquit, satis idoneas, prae reliquis excellebat.<sup>(4)</sup> Carolus Clusius (Charles d'Elouse) botanices amore captus, totam fere Europam peragravit plantasque collectas quam peritissime descriptsit. Scripta ejus vel nunc temporis magni sunt facienda, praesertim opus ejus, majori volumine comprehensum, de plantarum historia.<sup>(5)</sup>

Plantarum numerus tot naturae investigatorum opera et industria, quorum praecipuos jam commemoravi, item per rerum naturalium copias, ex America modo detecta allatas, ita auctus erat, ut jam necessarium videretur, magnam hanc, pro illorum temporum opportunitate, vegetabilium multitudinem, ut brevi in conspectu ponerentur quocunque modo disponere et in certas classes redigere. Quae cum ita essent, praeclarus ille Caesalpinus<sup>(6)</sup> primus de re botanica systema condere ausus est. Quamvis illud mancum valde esset et imperfectum, atque a criteriis plantarum quam maxime conspicuis desumptum, bene tanien omnino de aequalibus suis meritus est. Constantem ad modum vegetabilium partem, fructum puta, ceu notam characteristicam ad ea cognoscenda adhibuit, quod quidem eximii ingenii est documentum; neque tamen nostrae actati, qua plantarum numerus adeo increvit, qua ubique reperiuntur, qui egregiae hujus disciplinae vel ipsi sint studiosi, vel eidem insigne faveant, hoc sistema est accommodatum. Simili modo Morisonus<sup>(7)</sup> vegetabilia ad artem redigere conatus est, secundum fructum, co-

(2) *περὶ ὕλης ἰατρικῆς seu de materia medica* Lib. VI. Edid. van Swieten.

(3) *Ottonis Brunsfelsii historia plantarum.* Argentorati Tom. I. et II. 1530.

(4) *Remberti Dodonaei stirpium historiae Pemptades* VI. Antwerp. 1616. Fol.

(5) *Caroli Clusii rariorum plantarum historia.* Tom. I. et II. Antwerp. 1601. Fol.

(6) *Andreae Caesalpini de plantis Libri XVI.* Florent. 1583. 4to. Ejusdem Appendix ad libros de plantis et quaestiones peripatheticas. Romae 1605. 4to.

(7) *Plantarum historia universalis.* Oxon. 1715.

rollam ac formam externam ea describendo. Hic jam videmus prima quasi elementa ac stamna systematis plantarum naturalia, quae postea a duobus Franco-Gallis (Jussieus) mente comprehensa et fusius exposita sunt. Eadem criteria etiam Hermannus (<sup>8</sup>) in systemate, quod composuit, secutus est; hoc omnibus, quae praecesserant, est anteponendum, quamvis id merito sit taxandum, quod antiquorem illam plantarum in herbas et arbores divisionem retinuit. In nostri temporis usum botanicum illud convertere, nisi magna ex parte immutaretur, laud liceret.

Verendum mihi esset, ne dissertationis terminos excederem, si omnia systemata vellem recensere, quibus disciplina botanica aucta est. Unum vero silentio praeterire non possum, cum non solum eo tempore, quo prodiit, magnam sui moveret admirationem, sed etiam propter utilitatem, inde capienda, vel post auctoris obitum satis diu auctoritatem quendam retinuerit. Josephus Pitton, ex loco natali Tournefort appellatus, rationem quoque botanicam divulgavit, (<sup>9</sup>) quae, nisi Cel. Linnaei systemate loco suo deturbata fuisset, vel diutius conservata vigeret. Omnes hujus systematis classes propemodum a forma corollae desumptae sunt; unde, si haec mutabilis sit, vel si una forma in alteram transeat, ipsa ratio manca appareat, atque utilitate communi destituitur. Nihilominus tamen in Franco-Gallia semper systemati Linnaeo praelata est, quod hac in terra nunquam auctoritate quadam universali valuit.

Illi quidem systematis, a Carolo de Linnaeo conditi, hoc loco denique mentio injicienda est. — Praeclarissimus hic rerum naturalium indagator facile intellexit, in omnibus systematibus, eo usque in lucem prolati, multa ad huc desiderari, quae in iis manca erant et imperfecta, perspexit eorumque lapsus qualicunque modo emendare studuit; docuit enim qua ratione ea, quae ad ipsam plantarum naturam pertinent, a fortuitis sou in casu positis criteriis sint discernenda, docuit porro, quanti momenti sint singula vegetabilium organa, hisque rationem suam su-

(<sup>8</sup>) Flora Lugduno-Batavae flores. Lugd. Bat. 1690. 8.

(<sup>9</sup>) Institutiones rei herbariae edid. Ant. Jussieu. Paris. 1719. 4.

perstruxit, (<sup>10</sup>) quam egregia illa terminologia, quas donavit, omnium captiu accommodata ac perspicuam reddere haud neglexit. Ejusdem systema, licet sit mixtum, ideoque, si placet, non ubique sibi constans, ob facilem tamen, quem habet, intellectum, semper profecto in usu erit et vulgari consuetudine; adeo vero omnibus notum est, ut uberior ejus expositio, hoc loco utique, supervacanea esse videatur. Sed ipsum hoc systema, tanta praestantia praeditum, nihilominus mutationes quasdam subiit, inter quas ea, quam a Persoono propositam esse scimus, in primis congrua est nec a re aliena. Vel nunc tamen nonnulla in eo, ut magis sibi consentiens efficeretur, essent mutanda, vel mutari possent, nisi detrimentum inde, si totum spectas, acciperet. Mihi quidem earum tantummodo plantarum, ad classem decimam septimam (Diadelphiam) pertinentium, mentio est facienda, quarum filamenta in unum fasciculum sunt concreta, (genus Derris, Amerinum, Ononis, Arachis, Cytisus), quaeque proinde characterem classis sedecimae (Monodelphiae) praeseferunt. Hic Linnaeus magis quam artificio ejus aptum erat, affinitatem plantarum naturalem respiciebat. Eadem plantae classis decimae septimae ipsae tam apta familia naturalis (familia Leguminosarum) videbantur, ut illa genera non a se invicem separare et in classem decimam sextam rejicere sustineret, quae ipsa valde idoneam ac naturalem constituit plantarum familiam, puta Malvaceas. — Linnaeus justo majus momentum attribuebat numerorum rationi, filamentorum ei conditioni, qua concreta inventiuntur etc., hinc rursus separavit genera Sophora, Virgilia, Podalyria, Pultenaea, Daviesia, Anagyris, Cercis et multa adhuc alia a reliquis Leguminosis classis decimae septimae eaque, propter filamenta libera, ad Decandriam referebat.

Quantamcunque vero rationi Linnaei concedas praestantiam, cum notae, quas profert, characteristicae

(<sup>10</sup>) Classes Plantarum. Lugd. Bat. 1758. 8. Hac ratione Linnaeus ipse nunquam usus est. Quod nunc ejus nomine insignitum circumfertur systema, hac inscriptione prodiit: Prima rudimenta in florula lapponica, quae exstat in Act. liter. Sueciae 1752 pag. 46 et 1753 pag. 12, dein aueta prodiit Amstelod. 1757. 8.

faciles sint intellectu, (quamquam non caret quoque quibusdam difficultatibus, quae autem ab iis removentur, qui recentiori memoria systema illud pertractant), herbarum tamen scrutatori, qui ad artem et praecepta doctrinam suam revocare nittitur, satisfacere non potest. Nam is omnes naturae plasticae formationes conjunctim una quasi eaque ampla et universali imagine complecti et tanquam continuam nec ullo modo interruptam rerum creatarum seriem, communis originis, animo sibi debet effingere. Ex parte hoc confirmatum reperimus, si ad infimum organisationis gradum, ubi inter animal et plantam nullum fere est discriminem, oculos convertimus. Hic varia praeparatione unius ejusdemque infusi nunc animalcula infusoria, nunc mucorem producere valemus. Viridis illa materia, quae a Priestleyo, Anglo, nomen duxit, ab Ingenhoussio tanquam transitus e regno animali ad vegetable agnoscebatur, seu potius ceu forma quaedam inter duo naturae regna fluctuans, modo magis ad hoc, modo ad illud vergens, considerabatur. Ex ejusdem viri doctissimi sententia, crusta illa viridis, quam aqua fontana, solis luci exposita, accipit, e parvis globulis, pituita repletis, consistit, qui, ut videtur, motu spontaneo moventur. Hi globuli postremo obrigescentes, in membranam cellularem, jam manifesto vegetabilem, mutantur, ex qua vero rursus animalcula infusoria formantur, quae vibriobibus similes sunt, aut corpuscula pyramidalia pro-pullulant, quae Echinellos Acharii et Lyngbyii referunt. Aliae formationes organicae compage sua crystallina corpora regni mineralis indicare videntur, quod in Stilbospora asterosperma<sup>(11)</sup> et in Asterophora lycoperdioide<sup>(12)</sup> manifesto appetet. Sic tota massa adhuc inter formationem organicam et anorganicam fluctuat et magna illae naturae vires, lux, calor, electricitas, forsitan etiam plures aliae ignotae potentiae decernunt, num animal aut planta sit procreanda. Quodsi vero hac ratione forma quaedam efficta est, cui sine dubitatione locum definitum in tribus naturae

<sup>(11)</sup> Rees von Esenbeck: System der Pilze und Schwämme. Taf. 1. Fig. 17 B.

<sup>(12)</sup> Dittmar in Sturm's Flora. Abtheil. 3. Heft 1. Taf. 26.

regnis assignare possumus, jam nullus conceditur ad communem illam basin, quae omnibus illis materiis subjacet, regressus singulaque naturae regna in perpetuum sunt separata, ita omnino, ut in ulteriori evolutione, proprius quidem ad se invicem accendant, (nam formae nobiliores semper inferiores recipiunt ac repetunt), sed haud revera ad pristinam conditio-nem revertantur. Cogitatione igitur nobis complecten-tibus omnes regni vegetabilis formationes secundum perfectionem suam, gradatim adscendentem, inter se invicem cohaerentes, jam offertur sistema plantarum naturale.

Auctores hujus plantarum rationis naturalis ha-bentur ambo Jussievii (Jussieux).<sup>(13)</sup> Equidem credo, ad superiora potius tempora esse regrediendum, si de vero systematis inventore, qui primus illud ingenio suo excogitaverit, quaeratur; saltem quaedam ejus species jam animis antiquiorum botanicorum obversata est, quod ex eorum rationibus cognoscitur, quamvis Jussievii rem distinctius mente conceperint ac per-tractaverint. Jam Dodonaeus classes naturales pree-sagivit ac Dalecampius (Dalechamp) plantas umbel-latas, liliaceas et cynarocephalas conjunxit. Utique haec erant imperfecta nec numeris suis absoluta, quibus Jussieviorum meritis minime derogatur. Minus impedita semita incedebant posteriores hujus syste-matis emendatores, via prius jam aperta. Okenius, C. Sprengelius, R. Brownius, de Candolleus imprimis id egerunt, ut hauc artis formulam magis redderent naturae convenientem. Onnibus tamen hisce syste-matisbus, — pace tanitorum virorum dixerim! — objici

<sup>(13)</sup> Quinam Jussieviorum hocce sistema revera proposuerit, dubitatur. Bernardus de Jussieu nihil de ratione sua litteris mandavit, hortum vero Trianonatum (Trianon) secundum eam dispositum. Nepos ejus, Antonius Laurentius de Jussieu hortum Parisiensem, eam ipsam rationem sequens, ordinavit. Primum systematis sui notitiam a. 1773 in Commentationibus Academiae Parisiensis vulgavit, ab hoc inde tempore semper rationem illam emendabat, quae prima vice a. 1789 in publicum prodit, hoc sub titulo: A. L. de Jussieu Genera plantarum secundum ordines naturales disposita. 8. Paris. 1789. — Excludi curavit notisque auxit P. Usteri. 8. Turici 1791.

potest, quod semper adhuc plantarum species super-sint, quas omnino non modo quodam idoneo ac sim-plici ratioui suaे accommodare valeant. Sic e. g. affinitates generum Apactis Thunb., Baitaria R. et P., Begonia L., Blastus Lour., Bragantia Lour., Deutzia Thunb., Nepenthes L., Rhizophora Gaertn. et plura alia nondum sunt expedita. Nec hujus loci est, omnia haec systemata severo examini subjicere, nec mihi, cui lucusque non licuit, immensae fere hujus disciplinae stadia perlustrare, nedum percurrere, statuere arrogarem, quanti aestimandi sint labores illorum virorum illustrium, quos si rite velis dijudicare, magna experientia opus est. Systema de Candolli hocce in opusculo reliquis practuli, cum id ageretur, ut sententiam refellerem, quam ille ex ratione sua uberius exposuit.

Etenim recentiori memoria quidam hoc plantarum sistema naturale propius ad artem medicam referendum esse censuerunt, asserendo, certis plantarum formis semper certas proprietates esse annexas, ita quidem, ut e primo quasi cuiuslibet plantae adspectu qualitates ejus colligere liccat, si modo, quem locum in systemate naturali occupet, exploratum sit et ex-peditum. Haec sententia, num in universum veritati respondeat, in medio relinquam, saltem sequentibus paginis contrarium docere conabor. Egregia utique res foret, si disciplinam medicam et botanicam sororia quadam necessitudine conjunctas, pari passu, incedere videremus; sed haec conjunctio ne sit arte ficta, atque naturae ipsius rationi consentanea, ut perputuo rata esse possit. Non quidem negabo, propinquitatem illam, ideali respectu consideratam, praecclare, atque ita esse mente conceptam, ut eam quilibet dummodo certa esset et ab omnibus confirmata, amplecti hand dubitaret, neque minus gloriosum est, hanc analogiam, si revera exstat, ab hominibus esse repartam. Si vero, quod lucusque mente tantummodo et cogitatione exstitit, in vitaе usum jam erit convertendum, id, ut ad hominum genus inde perpetua redundet utilitas, firmis solidisque fundamentis nitatur, necesse est, ne temporum mutationi expositum, in nihilum recidat; hinc multa, mente ac cogitatione concepta, magna videntur et praeclara, quae revera longe alter

comparata sunt. Hoc quidem in memoratam quoque sententiam cadit. Nemo certe erit, qui, ingeniosum fuisse commentum de Candolli, viri, ingenii ubertate praestantis, cum primum illud publice proferret, infilias iverit, (nam ille omnino primus hujus commenti auctor habendus est, antiquioribus botanicis alio sensu rem accipientibus). Sed cum in practica quoque me-dicina vim quandam et auctoritatem sibi conciliare moliantur, ulique severiori judicio subjicietur atque facta ei opponentur, quae illi sententiae plane re-puguent. Quae si semel sunt monstrata, quid de toto systemate judicandum? Firma ejus ratio quantopere diminuitur?<sup>(14)</sup> Ceterum verendum haud est, illud unquam magnam in artem salutarem vim esse exer-citatum, cum medici practici nostri temporis non nimis in practico botanice usu sint versati, quod quidem ex immenso harum disciplinarum ambitu facile quis derivaverit.

## Caput secundum.

### De materiis organicis, in regno vegetabili obviis.

Si revera eam sententiam, qua adstruitur, certis plantarum fornis certas earundem proprietates re-spondere, cum omnium approbatione ratam confir-matamque haberi cupiunt ejus propugnatores, si porro

<sup>(14)</sup>. Veritate hujus sententiae eo adeo comprobare voluerunt, quod observations, quas asserunt, in animalibus sint instituta, ex quibus effici dicunt, certa animalia certis duntaxat plantis vesci, quibus deficientibus, alijs vegetabilibus ex eadem familia utantur. Ego vero, haec ipsa contra illam sententiam pugnare, suspicor. Nam si quaedam animalia certis tantummodo plantis e delinatis familiis fruuntur, nonne id ipsum specialem carum diversitatem innuere videtur? Nonne similis ratio est, si certi lichenes in certis duntaxat plantarum speciebus reperiuntur?

fas est credere, certos plantarum effectus in organismum animalem semper duntaxat definitis materiae produci, quae horum phaenomenorum rationem in se contineant: ostendatur necesse est, cuilibet plantarum familiae unum vel plura elementa, quibus vim suam acceptam referat, exclusis reliquis, propria esse, ita quidem, ut in toto regno vegetabili non amplius reperiantur. Sic, ut exemplum rei perspicuum afferamus, principium illud acre, in Ranunculaceis obvium, in nulla alia familia, sive tantummodo in talibus, quae affinitate quadam cum illa conjunctae sint, adesse, demonstrandum fore, cum familiae, in systemate sibi propinquae, ratione etiam effectum cognatae perhabeantur. Sed aliter phaenomena naturae observatori apparent, quam systematum conditori, in musei umbra latenti. Eiusmodi principium acre, simili vi praeditum, non solum in pluribus Thymelaeis et Monimieis iterum invenitur, sed etiam in plurimis Cruciferis, uti quoque in multis Apocyneis haud desideratur, quae familiae omnes in systematis serie longe quidem a se invicem distant. Liceat mihi temperationes organicas in medium proferre, et quomodo appareant, per plures plantarum familias persequi.

## I. Materiae rudes.

Diurna experientia, experimentis et observationibus superstructa, constat, acidum carbonicum primum ac praecipuum plantarum esse nutrimentum. Neque tamen plantae illud, qua tale recipiunt, sed acidum carbonicum, aqua illigatum, in clementa sua, principium carbonicum et oxygenium, resolvunt. Ex aqua acidocarbonica succus ruditus ascensus formatur, qui in pluribus vegetabilibus iisdem gaudet qualitatibus, quemque veris tempore e laesis liberi et ligui stratis Betularum ac nonnullarum Aceris specierum effluere videmus. Eundem porro habemus in suco, quem vinum palmeum et potus ille, Pulche dictus, ex Agave Americana confectus, exhibit; tanquam aqua pura et limpida effluit e ramis resectis Tetraceracae potatoriae Atzel. ac Thoae urentis, hac ipsa specie accumulatur in foliis cavis generis Sarraceniae, in ascidiis Nepenthes destillatoriae L. et Cephaloti follicularis Bill.

Ob magnam, quam hic succus continet, acidi carbonici copiam facile fermentescit, durante vero fermentatione, principium succharinum, qua mutata, oxydata et hydrogenisata plantarum mucilago evolvitur. Notum est, e succo Betulae nigrae, Aceris rubri et saccharini, in America septentrionali saccharum praeparari. In Islandia ad eundem finem Fuco palmato et F. saccharino, in Java insula Borasso flabelliformi utuntur. Eam continent multae species e genere Aceris (A. dasycarpum, campestre, platanoïdes, Pseudo-Platanus, Tataricum, Negundo), radices Betae vulgaris et B. Ciclae, Pastinacaë sativae et Sii Sisari. Saccharum quoque invenitur in omnium prope modum florum nectariis, in fructibus Cucumis Melonis et C. Chate, Caricæ Papayaæ, Achratis Sapotæ, et A. mammosæ, Mammæ Americanæ, Durionis Tibethini, Chrysophylli microcarpi, et in diversis speciebus generis Annonæ, in Musa paradisiaca et M. sapientum, in fructibus Phoenicis dactyliferae, in caulinis et stirpe Zcae Mays, Nipæ fruticantis, Cocos nuciferae, Carpini Betuli, in radicibus Tritici repentis, Hydrophylacis maritimæ et pluribus aliis.

Ruditus et ascendens plantarum succus mox in mucilagine transit, quae primo ceu Cambium (Bildungssaft) appetet. Hie, ut omnis plantarum tremor, liquor omnino indifferens est, sine insignibus materiae seu polaribus. Principio azotico, quod continet, et aqua orbatus, in praecipitatum siccum, granulatum abit et hoc modo amyllum sistit. Amyllum vulgare 1. in omnibus seminibus reperitur, exceptis Acotyledoncis, 2. in multis radicibus, sic e. g. in radicibus Solani tuberosi, Ari maculati, Bryoniae albae, Colchici autumnalis, Ranunculi bulbosi, multarum Orchidearum, Jatrophæ Manihot, multarum Polygonearum (Polygonum Bistorta, Rumex obtusifolius, R. acutus et R. aquaticus), Iridis Pseud-Acori et I. foetidissimæ, multorumque aliorum vegetabilium. Postremo reperitur quoque in trunco plurium Monocotyledonearum, praesertim Palmarum (Gomuti-Rumphii, Cycas revoluta et C. circinalis, Caryota urens, Borassus flabelliformis).

Mucilago plantarum, aëri exposita, in Gummi concrescit. Qua tale invenitur in tela cellulari mul-

tarum admodum plantarum partium, excepto ligno, v. c. in omnibus Coronariis, Malvaceis, Drupaceis, Nymphaeacearum speciebus, in multis Asperifoliis, Or-chideis, Resedae speciebus; in superficie tunicae se-minis externae, uti in multis speciebus Lini et Plantaginis, Crataevae Marmelos, Pyri Cydoniae, Mun-tingiae Calaburiae, Dilleniae Indicae, in plurimis spe-ciebus generum Salviae et Cisti, in Zizyphora capitata, Zygophyllo Fabago, Cordia Callococca et C. Myxa. In regionibus tropicis effluit e trunco plurimum Acaciae specierum, in regionibus septentrionalibus e trunco quoque Pruni Cerasi, P. Armeniacae, P. domesticae et Amygdali communis. Gummi modiscatum, qua Bassorinum, deprehenditur in Gummi Bassorae (Vau-quelin), in Gummi Tragacanthae (Gehlen et Buch-holz), interdum in Gummi Cerasorum (John), praetera in quibusdam Gummi-resinis, in Colocynthidibus, in pipere, fabis Ignatii etc.

A plantarum cremore ejusque variationibus, ob Azoticum, quod continet, differt principium al-buminosum. Deprehenditur in succo expresso plurimorum vegetabilium, praesertim cum spissescendo spumas agit. Detexit illud Fourcroyus in pluribus Cruciatibus (*Sisymbrio* *Nasturtio*, *Cochlearia officinali*, *Brassica oleracea*), Vauquelinus in succo Caricae Pa-payae et agarici campestris, Jordanus in succo Betu-larum ac *Carpini* *Betuli*, Einhoffius in tuberibus Solani tuberosi, in Piso sativo, in secali cereali, in Hordeo sativo, Buchholzius in semine Cannabis, Johnius in pol-line, Seguinus in seminibus Coffeae arabicae L., praetera in semine Staphidis agriae, in Calendula officinali etc.

Variationes principii albuminosi sunt Glutine (Kleber) et gelatina. Gluten reperitur in Cerealibus, praetera, secundum Proustium, in fabis Viciae, V. Fabae, in fructibus Quercus Roboris, Castaneae vescae, Pyri Cydoniae, Vitis viniferae, Pyri Mali. Gelatinam, quae minorem azotici copiam continet, in pluribus fructibus deprehendimus.

Fructibus regni vegetabilis azoticum continentibus, annumeratur quoque faecula. Reperitur in succo expresso omnium propemodam partium plantarum viridium, praetera etiam in colore non infectis et aliter tinctis.

Principium extractivum vel saponatum appellatur ea regni vegetabilis substantia, quae partim aqua et spiritu vini, partim mixtura, ex ambis con-fecta, extrahi potest. Interea materiae valde diversae sub communi principii extractivi nomine comprehendendi possent. Sic extractivum dulce partim est saccharum, partim Glycyrrhizinum, extractivum acre Saponinum et Seneginum, extractivum coriarium principium tan-ninum etc. Hoc loco tantum de extractivo amaro sermo erit, quamvis et hoc probabiliter non sit mixtio or-ganica simplex, sed e basi botanica, ex acido aliquo, ac principio quodam, bruneo colore tingente, conficiatur, quod quidem hucusque non nisi ex parte in Gentiana monstrari potuit. Duae species principii amari jure statuuntur, principium amarum mite et acre.

1. Principium amarum mite. Huc referenda: amarum putaminum nucis juglandis immaturae, Cof-feae, Quassiae, corticis Angusturae, Cetrariae Islandicae, Syringae vulgaris, seminis Santonici, radicis Polypodi, radicis Serpentariae, Virginiana multa-rumque aliarum plantarum.

2. Principium amarum acre. Ita se habet ama-rum radicis Asari Europaei, Scillae maritimae (Scil-litinnu), Cytisi Laburni, Aloës, Sennae, Bryoniae albae, Colocynthidum, Momordicae Elaterii etc.

Principium tinctorium plantarum similiter ejusmodi principium extractivum refert, in faecula tautummodo azotico et hydrogenio nimis oneratum. Magis oxydatum deprehenditur in lichenibus, qua-propter hic cum urina tractandum est, ut durabilius fiat. In floribus etiam principium tinctorium est con-ditionis magis oxydatae atque plerumque aqua ex-trahi potest.

Quodsi principium extractivum gluten animale ad coagulationem redigit et, cum salibus ferri praecipi-tatum nigrum format, principium tanninum vocatur, in quo proprium quodam acidum, quod acidum Gallarum nuncupant, deprehendi putarunt. Poste-rius autem, ni fallor, nihil aliud est quam tanninum oxydatum, quod pluribus experimentis ostensum est. Principium tanninum in regno vegetabili late quoque diffusum reperitur; sic v. c. praesto est in rhizomate perennante quarundam herbarum annuarum, ut in

Tomentilla erecta, Polygono Bistorta, Iride Pseud-Acoro, in omnibus fere corticibus caudicum perennantium et arborum radicum, ac praesertim quidem in parte interna alba, alburno proxima. Observatum esse contenditur, principium tanninum praecipue in cortice eo tempore evolvi, quo gemmae progerminant. Nam atmosphaerae oxygenium tum in vitam plantarum interiorem majorem vim exserit omnesque partes fortius excitat. Principium tanninum deprehenditur quoque, etsi rarius, in foliis plantarum perennantium, sic satis quidem magna copia in foliis Ilicis Aquifolii, Quercus Roboris, Rhois coriariae, Arbuti uvae ursi et A. Unedinis. Raro invenitur in petalis, ut in Punica Granato, crebro contra in trunco variorum arborum et in earum succis, in fructuum immaturorum involucris, in Quercu Robore et Q. Aegilope, in Juglande regia, Aesculo Hippocastano et Terminalia Chebula, in carne vel in septis fructuum in Punica Granato, Rosa pimpinellifolia, Garcinia Mangostana, et in pluribus Annonae speciebus. Numquam Principium tanninum reperitur in interna seminis parte, numquam in plantis virulentis, nec in iis, quae Caoutschouk vel succum lacteum continent. Aetate plantarum progrediente, indolem magis principii amari adipiscitur, unde cortices et ligna aetate minora plus principii tannini continent quam aetate proiectiora.

## II. Materiae magis excutiae.

In materiis plantarum, ad hanc classem pertinentibus, copiam oxygenii conspicimus imminentiam, contra vero hydrogenii frequentiam auctam. Cognitum habemus saccharum tanquam substantiam, multa utique oxygenii copia abundantem; quodsi in vegetationis progressu posteriorem hanc suam partem constitutivam amittit, ita quidem ut hydrogenium cum carbonico ad rationem 25: 75. conjugatur, obtinetur oleum pingue, idque mite. Hunc processum quandoque in rerum natura, cum fructus nonnulli maturescunt, animadvertisimus: sic e. g. nux Cocossae initio succum, dulcedine saccharo similem, continet, qui postmodum oleosam indolem adipiscitur. Olea contra principii saccharini naturam recipient, si cum

oxygenio connubium ineunt: hinc dulcedo Scheelii, in praeparatione emplastri Saturnini ex oleo et oxydo plumbi, ortum dicit. Sapor dulcis et habitus mucilaginosus multorum olcorum, praesertim olei Papaveris omnibus sunt noti. Oleum pingue partem constitutivam multorum sane seminum constituit, praecipue frequens occurrit in cotyledonibus seminum, rarius in albumine (Papaver), et in carne, semina cingente (Olea). Nec minus rarum est in radice (Cyperus esculentus, Lathyrus tuberosus). Oleum pingue mutatum in organismis insimi gradus apparet, ut in fungis (in Phallo impudico, Boleti Juglandis et B. pseudo-igniario, Peziza nigra, multisque speciebus generis Agarici). Duae species olei pinguis diligenter discernendae sunt, siccescentia et quae in statu liquido permanent, cum probabiliter diverso omnino modo in organismum animalem agant, quod ex parte jam demonstratum est. Ad primam pertinet oleum Lini, Cannabis, Ricini, nucis Juglandis, Papaveris; ad posteriorem oleum amygdalarum, oleum ex olivis et seminibus Rapi, oleum ex Fago sylvatica expressum, oleum Hyoscyami, oleum seminum Guilandinae Moringae (Hyperantherae Moringae), oleum ex arbore Cocos nucifera.

Aliam, camque nobis notiorem partem constitutivam regni vegetabilis, ad hanc classem referendam, habemus in cera, quae tanquam oleum mite, modice oxydandum, considerari potest. Cera deprehenditur in polline variarum plantarum, ceu pruina foliorum Brassicaceae oleraceae, Papaveris, in faecula viridi Sedi acris, et immaturorum et成熟orum Hordei sativi caulinum. Natura ceram praeparat in fructibus diversarum specierum generis Myricae (plurimum in Myrica cerifera), porro in fructibus Stillingiae sebiferae, Tomicis sebiferae, Rhois succedaneae, et in cortice Ceroxyli Andicolae Humb. Pruina quoque fructuum Vitis viniferae, Pruni domesticae, Ficus communis, Citri Aurantii et C. medicae ceram continet.

Medium inter oleum pingue et ceram locum tenet oleum e nucibus moschatis, fabis Cacao, et palmis (Elaeis) expressum.

Olei volatilis in propemodum omnibus plantarum partibus magna copia deprehenditur. Oritur,

quando hydrogenium in prevalentem cum carbonico rationem abit, circiter ut 75: 25. per processus proprios, organicos, nobis haud cognitos. Magna ejusdem diversitas, diversitatem vitae internae plantarum indicare videtur. Oleum aethereum invenitur in nitidis fulgentibusque punctis foliorum ac fructuum Citri medicae et C. Aurantii, Diosmae, Agathosmae, Myrti, Eucalypti, Melaleucae et in Metrosiderosae speciebus. Fructus id semper tantum in corticibus, nunquam vero in corpore albuminoso et in cotyledonibus, continent, nūquā saltem in pullullando. Oleum aethereum, in plantis contentum, per se spectatum, ut jam memoravi, admodum est varium. Interea, ratione non nūnis arteficiosa, subdivisiones sequentes constitutae licet:

1. Oleum subamaruni. Ejusmodi olea aetherea sunt: Gummi-resinarum graveolentium (Asa foetida, Sagapenum, Ammoniacum, Galbanum), olea plurium Compositarum (Tanacetum vulgare, Artemisia Absinthium et A. Santonica, dummodo haec posterior revera semiina officinalia, quae nomine semiinis Santonicæ s. Cynae veniunt, exhibeat, porro Achillea Millefolium, Matricaria Chamomilla, Anthemis nobilis, Arnica montana) denique Oleum Rutaæ graveolentis et Valerianæ officinalis.

2. Oleum subdulce. Sic se habet oleum volatile seminum plurium Umbellatarum (Phellandrium aquaticum, Apium graveolens et A. Petroselinum, Carum Carvi, Cuminum Cymimum, Meum Foeniculum, Anethum, Anisum); sed deprehenditur quoque in aliis familiis; sic inest semini Illicii anisati, nonnullis Rosaceis (Rosae sempervirenti et R. centifoliae, Geo urbano), Sambuco etiam nigro et Parmeliae parietinae.

3. Oleum leve aromaticum. Reperitur in pluribus Hesperideis (in Citro Aurantio et C. medica), in multis Labiatibus (in Melissa officinali, Mentha piperita, M. crispa, Lavandula Spica, Origano Majorana, O. vulgari, Hyssopo officinali, Rosmarino officinali), in nonnullis quoque Coniferis (in plurimis speciebus generis Pinus, in Junipero communi et J. Sabina), in nonnullis Uriaceis (in Pipere nigro, P. Cubeba) et in multis adhuc aliarum familiarum plantis, quae ex parte in systemate naturali longius a se

invicem sunt remotae. Sic v. c. praeter plantas, jam memoratas, illud etiam continent Croton Cascarilla, Melaleuca Leucadendron, Amomum Cardamomum et A. Zingiber, Myristica moschata etc.

4. Oleum grave aromaticum. Id quaerendum in multis Laurineis, (Lauro Cassia, L. Cinnamomo, L. Sassafras), in Eugenia caryophyllata, Canella alba et in Gummi-resinis, in Myrrha, Bdellio.

5. Oleum narcoticum. Hoc adest in stigmatibus Croci sativi, nec minus olea, quae acido-hydrocyanico temperata sunt, huic loco essent inserenda. Inde oleum amygdalarum amararum, foliorum Amygdali Persicae, foliorum Lauro-Cerasi, corticis Pruni Padi.

6. Oleum acre. Insigni modo deprehenditur in duabus familiis, in Crucialis et in multarum Liliacearum bulbis. Monstratum est hucusque in Cochlearia officinali et C. Armoracia, in Sinapi alba et S. nigra, tum in Allio sativo et A. Cepa.

Camphora in temperatione sua oleis aethereis tam est propinquia, ut fortiori duntaxat oxydatione indeque orta solidiori forma ab iis differat. In plantis, oleo aethereo abundantibus, appulso solis radiorum et aëris accessu progignitur. Invenitur in oleo Anisi, Rosarum, Citri, Spicae, in oleo Roris marinæ, Terebinthinae, ligni Sassafras et Menthae piperitae. Oleum Salviae germanicum exhalando in massam coit resinosam, neque Camphoram relinquunt, (Illisch), hispanicum vero Camphorae relinquunt (Proust). Eam porro continent Nicotiana Tabacum, Anemone Pulsatilla, A. pratensis, Asarum Europaeum, Inula Helenum, et multae adhuc aliae plantæ. Camphora officinalis deprehenditur in radice et trunco Lauri Camphorae, ex qua modo satis cognito obtinetur. Camphora, quam in Lauro Sumatrensi et Lauro Cinnamomo obviam esse dicunt, eadem forsitan est.

Resina. Et haec materia vegetabilis per omnes fere familias diffusa invenitur, neque tamen ei ubique easdem qualitates adscribere possimus, quamvis, in organismum animalem agendo, vim quandam sibi congruentem exserat, qua re vel magis sit perspicuum, quod medicamenta, ratione analogâ agentia, in diversissimis familiis reperiantur, et theoriae,

a de Candolleo in opere suo (<sup>15</sup>) consuetae, multum firmitatis subtrahitur. — Inter resinas quoque magna locum habet diversitas, secundum quam divisiones sequentes, a re haud alienas, constitutae licet:

1. Resina dura. Sic se habet resina pinea communis, Mastix, Sandaraca, resina balsami Copaivae, Benzoës, baccarum Juniperi, Myrrae, Thuris, omnium Gummii-resinarum graveolentium, radicis Gei urbani, Euphorbii, Daphnes alpinae, D. Mezerei, Colocynthidium, Aloës, Jalappae, Scammoniae.

2. Resina mollis. Huc pertinet resina gemmarum Populi balsamiferae, P. nigrae, Gentianae luteae, radicis Senegae, Ipecacuanhae, Opii, Inulae Hellenici, Arnicae montanae, Anthemidis Pyrethri, Glycyrrhizae glabrae, Piperis nigri, Capsici annui, Gratiolae officinalis.

3. Resina elastica. Deprehenditur in succo lacteo Heveae Guianensis, Castillejae elasticæ, Cecropiae peltatae, Hippomanes biglandulosae, Ficus religiosae, F. Indicae, F. Bengalensis, Artocarpi integrifoliae, Urceolariae elasticæ etc. Praeterea obtinetur præparatione succi lactei siccatae Ficus Caricae, Euphorbiae Characiadis, E. cyparissiadis, E. officinalis, Lactucae sativae, Papaveris somniferi, Cichorii Intybi, Asclepiadis syriacæ cum spiritu vini et aqua, quo facta resina elastica relinquitur. Minor quantitate invenerit quoque in Opoponace et Euphorbio.

4. Balsama. Tanquam resinae, multo oleo volatili conjunctae, considerari possunt. Huc referuntur diversæ species Therebinthinae quae omnes e familia Coniferarum sunt, et quidem e generibus Pinus et Abietis, porro balsamum Copaivae, balsamum de Mecca (ex Amyride Gileadensi). Balsama, quae simul acidum Benzoës in mixtionem suam receperunt, sunt balsamum de Tolu (Toluifera balsamum), balsamum Peruvianum, (Myroxylon peruiferum), Storax liquida et in granis, Benzoës, resina Xanthorrhæae hastilis Smith. Sine acido Benzoës et Gummii cum oleo modice volatili in calculum vocanda sunt Elemi, (ex

(<sup>15</sup>) Essai sur les propriétés médicales des plantes, comparées avec leurs formes extérieures et leur classification naturelle. Paris 1816.

Amyride elemifera), resina Animæ, (ex Hymenaea Courbaril), Tacamahaca Indiae orientalis, (e Calophyllo Inophyllo), Tacamahaca Indiae occidentalis (e Fagara octandra), resina Acaroidis resiniferae et Ladauin. Tanquam resinae mucilaginosae (Schleinharze) respici possunt Olibanum, Myrrha, Bdellium, Caramba, resina Hederae; resinae mucosae foetentes sunt Asa foetida, Ammoniacum, Galbanum, Opopanax et Sagapenum (omnia e familia Umbelliferarum). Resinae mucosae acres denique sunt Euphorbium (ex Euphorbia officinarum), Scammonium (e Convolvulo Scammonio), et Gummii Guttæ (e Stalagmitide cambogioïde, Cambogia Gutta, Hyperico baccifero et H. Cayennensi).

### III. Acidæ.

#### Acidum oxalicum.

Liberum deprehenditur cum acido malico et acido acetico in succo Cicceris arietini; cum Kali nupatum, in pluribus Geranieis (in Oxali acetosella et O. corniculata), in nonnullis Polygoneis (in Rumice acetosella et R. acetosa, Rheo palmato), etiam in Phytolacea decandra (e familia Chenopodearum), atque in Atropa Belladonna. Cum Calcaria conjunctum in multis Leguminosis (in Cassia caryophyllata, Glycyrrhiza glabra, Ononide spinosa, Bactryllobio fistula, in tuberibus Lathyri tuberosi), in Umbellatis (Apio, Anetho), in Laurineis (Lauro Cinnamomo et L. Cullabani), in Drymyrhizacis (in Curcumæ, Amomæ Zingibere et A. Zedoaria), in pluribus Irideis etc.; secundum Fourcroyum et Vauquelinum in plurimis plantis.

#### Acidum tartaricum.

Liberum reperitur in Pulpa Tamarindorum (Retzius, Vauquelius) et in Pipere, cum Kali nupatum, in succo uvarum, mororum, in Rumice, in radice Tritici repentis et Leontodonte Taraxaco (Hermbstadt); in baccis Rhoës coriariae invenerunt illud Grenius ac Tromsdorffius, in Rheo Rhapontico Bindheimius, in succo Agaves Americanæ Hoffmannius, in tuberibus Solanorum Einhoffius, quæ omnes plantæ sunt e diversissimis familiis oriundæ.

### A c i d u m c i t r i c u m.

Liberum obvium est in pluribus Hesperideis (in fructibus Citri Aurantii et C. medicae), in baccis Pruni Padi, in nonnullis Vacciniis (in Vaccino vitis Idaeae et V. oxyccoco) in fructibus Rosae caninae et Solani Dulcamarae. Cum acido malico mixtum adest in pluribus Rosaceis (Crataego Aria, Pruno Ceraso, Fragaria vesca, Rubo Idaco et R. Chamaemoro) porro in fructibus Ribis grossulariae et R. rubri.

### A c i d u m m a l i c u m.

Cum nullo alio acido, vel cum paullulo acidi citrici mixtum illud continent plures Rosaceae (*Pyrus Malus*, *Prunus domestica* et *P. spinosa*, *Sorbus aucuparia*), fructus Berberidis vulgaris, Sambuci nigrae, Bromeliae Ananas; in baccis plurium specierum Solani illud reprehendit Braconotus, continetur porro in Pipere nigro et in fructibus Annonae trilobae, in Calendula officinali. Basibus plantarum illigatum in semine *Stramonii* ac *Staphidis* agriacae. Cum calcaria conjunctum in pluribus speciebus generum *Cotyledonis*, *Crassulae*, *Mesembryanthemi*, ut et in Aro maculato. Tanquam calcaria malica reperitur quoque in *Ricino communis*, *Tropaeolo majori*, in *Nicotiana rustica*, *Ruta graveolenti* etc.

### A c i d u m a c e t i c u m.

Illud quoque in regno vegetabili mire diffusum invenitur, partim liberum, partim Kali vel calcii illigatum, praesertim in multis arboribus.

### A c i d u m G a l l a r u m.

Scheelinus illud in Gallis detexit; praeterea reperitur in *Cytino Hypocistide*, in floribus *Arnicae montanae*, in semine *Sabadillae*, in radice *Hellebori albi*, rad. *Colchici autumnalis* et in rad. *Ipecacuanhae*; insuper fortasse in pluribus plantarum partibus ad stringentibus, praesertim arborum corticibus, in quibus Biggins illud adesse statuit, quamvis non purum et sine commixcio aliquo.

### A c i d u m b e n z o i c u m.

Adest in pluribus Leguminosis (*Pterocarpo Dracuncle* et *P. santalino*), in balsamo Peruviano, in To-

lubalsamo et Opopbalsamo sicco, in Cassia cinnamonomea, in faba Tongo (*Baryosma Tongo sive Dypterix odorata*), in Meliloti, praeterea in Vanilla aromatica, in rad. Calami, in Myrrha, in semine Anisi, in Salvia Sclarea (Braconnot).

### A c i d u m h y d r o c y a n i c u m.

Constat, illud deprehendi in pluribus Rosaceis (in Amygdalo communis, Pruno Pado, P. Ormeniaca, P. Lauro-Ceraso) in *Viola tricolor* et s. p.

## IV. Materiae plantarum specificae.

### (B a s e s p l a n t a r u m.)

Chemiae recentiori obtigit, ut in plantarum analysi materias detegeret, quae jure tanquam propriae ac peculiares considerantur. Hae nequaquam ita longe lateque diffusae inveniuntur, quem ad modum illae, quas tribus prioribus sectionibus commemoravimus, sed semper singulis duntaxat plantarum speciebus propriae sunt. Sic v. c. *Rhabarbarinum* tantummodo in radice *Rhei*, *Gentianinum* duntaxat in radice *Gentianae-luteae* reperitur, *Picrotoxinum* modo in seminibus *Menispermi Cocculi*, *Atropinum* solummodo in *Atropa Belladonna*, *Hyoscyaminum* non nisi in *Hyoscyamo nigro*. Aliae hujus sectionis materiae non unius tantum plantarum speciei adhaerent, sed in pluribus inveniuntur. *Veratrinum* non adest modo in seminibus *Sabadillae*, sed etiam in *Veratro* albo et in *Colchico autumnali*; *Emetinum* in radicibus plurium plantarum, quae *Ipecacuanham* exhibent, observatum est; *Strychninum* in *Strychno* nuce vomica, in *Ignatia amara*, et in *Strychno colubrina*; *Saponinum* hucusque in *Saponaria officinali*, rad. *Jalappae*, rad. *Polypodii*, in *Gypsophila Struthii*, in *Sapindo Saponaria*, *S. laurifolia*, et *S. rigida*, denique etiam in *Arnica montana* monstratum est. Illic prolecto chemiae plantarum analyticae vel latissimum patet indagationis campus.

### Antecedentia generatim expenduntur.

Ante omnia hic quaesito nobis offeritur: quaenam pars erarum harum partium constitutivarum revera sit

principium in plantis agens? cui neutquam ea ratione universalis, qua proposita est, responderi potest. Nec una nec altera pars constitutiva sola est, quae in censem veniat, quamvis quaelibet carum effectum variet cumque vel huic vel illi systemati aul organo accommodet; sed peculiaris temperatio, qua haec vel illa pars constitutiva gaudet, efficaciam propriam plantarum constituit; sic in graveolentibus Gummi-resinis, nec Gummi nec resina sola agunt, neque principium, odorem spargens, solum efficacia pollet, sed tota peculiaris temperatio, uti in his Gummi-resinis est obvia, vim et efficientiam continet. Excipiendae videntur quaedam plantarum materiae specificae; Emetinum e. g. omnes partes constitutivas, easque valentes Ipecacuanhae complectitur, non vero utique has solas, sed peculiari quoque vi praeditum est, qua, magnis dosibus porrectum, post nauseam, somnum diuturnum producit, quod, quantum eisdem scio, nec maximis Ipecacuanhae ipsius dosibus effici potest. In universum tamen haud temere affirmatur, extractivuri vires medicinales cujuslibet plantae sincerrimas conservare, quoniam hoc, uti jam supra dictum est, (vid. extractivum), plantarum basin continet. Neque tamen et hinc exceptionibus caret.

Quodsi sententia, cui de Candollens in opere suo faveat, veritati omnino esset consentanea, docendum foret:

1. Quamcunque plantarum familiam efficacem quandam materiem continere, quam affines tantum familiae et quam maxime sibi vicinae participant.

2. Effectus quosdam in organismum animalem non nisi a plantis unius familiae, seu familiarum quam maxime huic propinquarum, exerceri.

3. Medicamentum quoddam in aliis ex eadem familia locum optimo jure substitui posse.

4. Quodlibet remedium e regno vegetabili semper tantummodo unam eandemque vim in organismum animalem exserere valere, nec unquam efficientiam adventiciam ostendere.

5. Eas plantas, quae ratione minime coacta ac simplicissima in unam familiam colligi possint, maximum quoque in effectibus suis analogiam offerre.

Quod ad primum momentum attinet, singulas partes constitutivas regni vegetabilis, quatenus in familiis, ubi obviae sunt, deprehenduntur, jam exposuimus et inde intelleximus, certa plantarum elementa neutquam uni tantum familiae propria esse, sed per plures familias diffusa reperiri, hasque medicamenta perquam diverso modo agentia nobis exhibere. Quodsi e. g. partes constitutivae peculiares regni vegetabilis, quas supra nomine materiarum specificarum distinximus, omnes plantae cujusdam vires medicinales comprehendenter, uti saepius revera contingit, in omnibus familiae speciebus eas inveniri oportet, quod vero hucusque chemica disciplina demonstrare haud potuit. E contrario quaedam horum elementorum in aliis plane familiis inveniuntur, ubi easdem proprietates conservant, eoque plantarum series, longius a se invicem distantes, quoad effectus, quos prae se ferunt, rursus appropinquantur. Respicienda hic tantummodo sunt Emetinum et Saponinum; quorum prius e. g. in radice Psychotriac emeticac adest, in aliis vero hujus generis speciebus nondum repertum est, utique vero in radice Violae Ipecacuanhae.

Quoad momentum secundum, omnes fere omnino familiae magnam exceptionum copiam nobis offerunt. Quam longe lateque v. c. remedia excitantia in regno vegetabili diffusa sunt; nonne ea in omnibus illis familiis reperimus, quae oleum aethereum vel Camphoram continent? Nonne in diversissimis familiis remedia roborantia deprehendimus? Idem dicendum de remediis acribus atque ex parte de narcoticis.

Momentum tertium si consideramus, nunquam hucusque contigit, ut duo invenirentur medicamenta, quae, iisdem conditionibus praesentibus, exhibita, eandem penitus vim ostenderint. Ideo anceps esset ac periculosum, si quis, ulteriori exploratione neglecta, remedium quoddam in alterius locum substituere auderet, ea opinione fretus, quod in systemate plantarum naturali ambo sibi sint vicina. — Capsicum annuum, Atropa Belladonna, Solanum nigrum, species Nicotianae, Datura Stramonium, Hyoscyamus niger ad unam certe familiam pertinent, quisnam vero medicus, in arte sua versalus, si id ei esset agendum, ut auctam aegroti sensibilitatem deprimere, deficiente

extracto Hyoscyami, ad aliud quodcunque, v. c. ad extractum Belladonnae confugiendum sibi esse putaret? Nonne hic potius acidum hydro-cyanicum erit indicatum? quod quidem remedium pluribus speciebus familiae cuiusdam longissime distantis, (Rosacearum) continetur. (¹⁶)

Quod momentum quartum attinet, minime nos fugit, unum idemque remedium quandoque plures effectus producere, quid? quod ne uno quidem efficiantiam secundariam deesse. Digitalis purpurea agit, primarie excitando, in sensorium commune, in tractum intestinalem, in organa uropoëtica ac genitalia, secundario modo vero, deprimendo, in sistema vasorum. Vis universalis corticis Peruviani cernitur in intendendo et augendo fibrarum irritabilium et ad vasa pertinentium tono, in generatim augenda massae organicae cohaerentia, in excitanda denique energia vitali systematis sensualis. Quantopere effectus primarii ac secundarii Opii inter se sunt discernendi! Jam quaero, num vel unica detur plantarum familia, in qua effectus secundarii singulorum ejus remediiorum, quibus medicus saepe magis confidit, quam effectui primario, sibi sint aquales, quamvis illi non nullam analogiam prodant. Minime vero, atque hinc consequitur, ad medicum practicum e cognitione systematis plantarum naturalis paullum vel nihil omnino emolumenti redundare, imo etiam usum ejus improvidum ad errores quam maxime noxios eundem posse inducere. Id vel magis omnibus patret, si effectus primarii ac sesundarii semper recte discernerentur.

Ut ad postremum transcamus momentum, quisnam negare sustinebit, Leguminosas pulcherrimam et

(¹⁶) Tum tantum remedio cuidam aliud substituere licet, si res postulat, ut universale quoddam phaenomenon provocetur, aut certum morbi symptoma removeatur. Spasmus cutis e. g. tollere volumus, atque infusum calidum florum Sambuci ordinamus, vel minores Ipecacuanhae doses; sed eundem finem adhibita quoque Camphora assequimur, imo etiam pluribus remediis, vegetabilibus haud accensendis, v. c. Stibii praeparatis, balneis tepidis ac pluribus aliis. Unumquodque tamen horum horum remediiorum, ut effectum principalem omittam, sane quidem modo agit peculiariter et plus vel minus conspicuus effectus secundarios in reliquis systematibus provocat.

aptissimam efficere plantarum familiam; sed in hac ipsa earum serie plura sunt, quae maxime de Candollei theoriae repugnant, quod diligentius probandi in sequentibus occasio mihi offeretur.

## Caput tertium.

Argumenta, quibus probatur, inter formas, viresque plantarum magnam esse inconvenientiam.

Sequentibus paginis breviter argumenta afferre conabor, quae fidem sententiae a de Candollio propositae, suspectam reddere videntur, cumque in finem eandem in ibo viam, qua doctissimus auctor commutationis, supra membratae, Dr. de Bunge, incessit. Plantarum familiis enim, quoad rationem medicam, notas, ex eo, quem in systemate occupant loco, recensens, demonstrabo ubique anomalias (¹⁷) occurrere. Ut in illo Dr. de Bunge libello, et hisce disquisitiobibus sistema de Candollei, fundamenti instar, inserviet.

## Ranunculaceae.

In universum haud temere asseritur, hanc familiam principio quodam acri pollere, quod in nonnullis ad tantum ascendit fastigium, ut hac plantae loco vesicatoriorum adhibeantur. Attamen nimis frequentes occurrunt exceptiones, quae, quo minus communem hanc esse regulam judicemus, impediunt. Loco acris, in nonnullis, e. g. Hepatica triloba, Cimicifuga racemosa et Delphinio Consolida, adstringens appareat elementum, in aliis et hoc evanescit ac tota planta tam parum acris ingenii continet, ut po-

(¹⁷) Ubi hic et postea vocabulo anomaliae usus sum, eodem illud sensu, quo de Condolleus accepi. Quod ad me attinet, equidem anomalias statuere non possum, ubi nullam analogiam statuo.

tius cibum salutarem offerat. Sic se habet Ranunculus auricomus, R. lanuginosus, Ficaria verna, et surculi recentes Clematidis Vitalbae; Ranunculus etiam aquaticus sine omni incommodo a pecore comeditur. In seminibus quarundam hujus familiae plantarum oleum aethereum largiter admodum excultum est ut in Nigella, ex quo jam a priori diversas ac discrepantes qualitates colligere licet.

#### M e n i s p e r m e a e.

Extractivum amarum in plurimis plantis hujus familiae principium agens constituit, sed valde diversi ejus sunt effectus. Radix Colombo et Parcirae bravae hic in censem veniunt; quarum prima roborando agit in membranas mucosas tractus intestinalis, alvique dejectionem retinet, altera eandem promovet et diureticum est remedium. Semina Menisperni Cocculli ac M. lacunosi Lam. narcoticum continent elementum, ita ut iis escae loco piscatores utantur, baccae Menisperni edulis Lam. contra nihil omnino damni afferunt, ac comeduntar.

#### M a l v a c e a e.

Hic diversitates maxime conspicuas fructus capsuliformes ostendunt. In genere dulces sunt aut sine sapore et odore; excipiendi vero sunt Hibiscus Sabdariffa, H. Suratensis et H. cannabinus, quorum fructus saporis sunt subacidi. Semina Hibisci Abelmoschi odorem spargunt Moscho similem, semina generis Theobromae aromatico gaudent odore, et oleum pingue saporis jucunde amari continent, quod, quantum equidem scio, in reliquis hujus familiae plantis non est obvium.

#### T i l i a c e a e.

Et hic fructus magnas offerunt varietates; nonnulli mucilaginem dulcem ac nutrientem continent et comeduntur, quales sunt Corchorus olitorius, quaedam species generis Grewiae, porro Flacourtie Ramontchi, Apeiba emarginata; aliorum generum fructus vero amari sunt et haud edules, uli fructus Triumfettae, Tiliae et plures alii.

#### O c h n e a c e a e.

Parva haecce familia ad plantas parum adhuc notas pertinet; plurimae eaeque notae ejus species maximam partem succos aquosos continent, cum insigni tamen exceptione Walkerae serratae, cuius radix et folia admodum sunt amara, e quibus decoctum, cum aqua aut lacte praeparatum, in insula Malabar tanquam tonicum adhibetur.

#### C a r y o p h y l l a c e a e.

Quamquam magna omnino plantarum hujus familiae pars succis aquosis et indifferenter scatet, plures tamen eo praezellunt, quod Saponinum continent, qua re in arte medica alicuius sunt momenti. Id locum habet in Gypsophila Struthio, Lychnide dioica et L. Chalcedonica; sed has omnes Saponini quantitate, qua praedita est, (73 p. Cl.) Saponaria officinalis superat, quae ideo praecepit quoque adhibetur. Exspectandi etiam videntur diversi effectus in petalis, odorem fortem exhalantibus, generis Dianthi et in Caryophyllaceis, odore carentibus.

#### L i n e a c e a e.

Prae omnibus aliis speciebus generis Lini, qualitatibus suis plane oppositis conspicua sunt Linum catharticum et L. selaginoides, quae ambo satis fortiter alvum movent.

#### V i o l a c e a e.

Multae species generis Violae, praesertim eae, quarum radices perennant, in hac parte qualitates emeticas continent, ubi praecepit Viola Ipecacuanha, V. parviflora ac forsitan vel plures earum specierum commemorari merentur, quas Venenatus ut peculiare genus, Jonidium appellatum, coniunctx. Aliac species saporem quidem modice acrem produnt, sed nihil quod vomitum ciat.

#### M e l i a c e a e.

Hic rursus magnae diversitates ratione effectuum occurunt. Quantum e. g. differt cortex Cauellae albæ a cortice Swieteniae febrifugae! prior aromaticus et

subacris est, posterior fastidiose amarus et, qua febrifugum, magni aestimatur. Cortex Guareae trichilioidis insigne est drasticum, fructus carnosus Meliae Azedarach venenosus habetur et tanquam helminthicum adhibetur; oleum ejus qualitates continet antispasmodicas.

### Geraniceae.

Gerania, proprie sic dicta, in universum principium continent, forte odorem spargens, quod pro resinoso habetur et in nonnullis tanta copia obvium est, ut planta, luci admota, ardeat (*Geranium spinosum*); simul his plantis elementum quoddam adstringens proprium est. Aliud hujus familiae genus, *Oxalis*, nec olei aetherei, nec principii vere adstringentis vestigium prodit, sed Kali oxalicum cum acido praevaleente tanta quidem copia continet, ut omnis planta acido sit sapore ac chemice eodem modo reagat.

### Hypéricineae.

Hic ad magnam diversitatem animus est aduentus, quam satis perspicue in plantis, genus Hypericorum constituentibus, observamus. Nonnullae succum quendam continent, Gummi Guttæ similem, qui tanquam purgans et anthelminticum agit, dico *Hypericum bacciferum* L. *H. Cayennense* L. et *H. sessilifolium* Aubl., plurimae vero aliae species amarum quoddam ac leviter adstringens continent; qua propter quibusdam in casibus ceu febrifuga adhiberi possunt.

### Cruciferae.

Mirum videri possit, Cruciferas quoque ad seiem earum familiarium referri, quae de Candaliei rationi oppositae sint. Non negabo, hanc praeclararam familiam naturalem magnam formarum et virium convenientiam ostendere, ideoque conjecturas nonnullas tantum, contrarium suspicentes, cum Lectoribus comunicare audeo. Quid? num revera tanta hic analogia deprehendatur, quantum experientia, obiter forsitan delibata, nobis offerre visa est? num revera unum idemque putandum, si herbam *Cochleariae officinalis*, vel *Raphani raphanistri*, vel *Drabæ vernæ* adhibeas? In posteriori saltem nullum saporem singularem in-

venire potui, quod etiam de foliis plurium *Cheiranthis* specierum dicendum mihi est. Neque minoris momenti est quaestio: utrum principium acre volatile, quod in *Sinapis* seminibus tam peculiariter obvium reperimus, aliis quoque hujus familiae plantis proprium sit, an revera in illis solis inveniatur; forsitan nonnullae adhuc sive seminibus omnis saporis prorsus expertibus, sive mitibus praeditæ, reperiuntur. Magna illa, quam praedicant, analogia, instituto examine diligentiori, evanescet; eas utique Cruciferas, quae communiter coluntur, si compares, magnam inter eas esse convenientiam haud diffitendum. Sed nonne has præ omnibus aliis in censem vocarunt? Vel nunc jam monstrari posset, nonnullis elementum acre volatile tantummodo in radice (ut in *Cochlearia Armoracia*, *Raphano raphanistro*) aliis in foliis (ut in *Cochlearia officinali*, *Lepidio latifolio*), aliis in seminibus (ut in *Sinapi alba* et *S. nigra*) inhaerere, reliquis singularum harum plantarum partibus nihil vel parum quod peculiare sit exhibentibus. Illius vero rationis fautores ipsi profitentur, ut certum aliquid et exploratum efficiatur, analogas duntaxat partes inter se esse comparandas, e. g. radicem cum radice, semen cum semine etc. <sup>(18)</sup> Hic tamen proprium præceptum neglexisse videntur, probabiliter ad sententiac suac majorem ambitum conciliandum.

### Papaveraceae.

Haec familia multum de Candaliei rationi adversatur. Genus prototypicum *Papaveris* quibusdam in speciebus (in *P. somnifero* ac *P. officinali*) succum narcoticum continent, Opii nomine notissimum. *Chelidonium* vero, huic generi valde propinquum, succum quidem lacticum quoque habet, flavi autem coloris, nec narcoticum quoddam, sed acre principium continens. *Sanguinaria Canadensis* in radice amaro et acri elemento, practerea resina quadam <sup>(19)</sup> praedita est, quae sursum ac deorsum agit, quod et de radici-

<sup>(18)</sup> Bunge de Relatione etc. Pag. 53.

<sup>(19)</sup> American medical botany being a collection of the native medicinal plants of the united states by Jacob Bigelow. Vol. I. Boston 1817 et 1818.

bus generum Jeffersoniae ac Podophylli perhibetur. Semina generis Papaveris, ut inter omnes constat, multum olei pinguis sine virtutibus narcoticis continent; quae e genere sunt Argemones seu cathartica agere dicuntur.

### Frangulaceae.

Hic praeципue baccae sunt, quae effectu inter se differant. Baccae Rhamni cathartici, R. frangulae, R. saxatilis et plures aliae, item baccae Evonymi Europaei aliarumque hujus generis specierum valida sunt purgantia, majoribus dosibus porrectae emeticorum quoque usum praestant. Contra fructus generis Zizyphi mucilaginosi sunt gratae saporis neque illas qualitates participant.

### Terebinthaceae.

Hic etiam fructus magnas offerunt diversitates. In Pistaciis (Pistacia vera) et in Cannario communi, verosimiliter quoque in Anacardio et Mangifera, pingue continent oleum, fructus contra Averrhoae acidissimae, A. Bilimbi, et A. Carambolae, porro Pistaciae atlanticae Desf., Spondiadis Mombin., S. Myrobali et Mangiferae Indicae acidi sunt, quod acidum gradu maximo forsan in Schino molli et Rhoë coriaria animadvertisit. Hujus qualitates plus vel minus participes sunt plurimae Terebinthaceae cum fructibus carnosis vel succosis; ubi vero fructus siccus potius est, loco acidi, adstringens principium excollitur. Plures species generum Icicae, Pistaciae et Amyridis balsama exsudant, oleo aethereo abundantia, e contrario exhalationes aëriiformes Comocladiae dentatae, et Ailanthis sunt causticae, ut exanthemata provocent, qui effectus etiam post contacta folia generis Rhois, ad hanc familiam pertinentis, consequitur, praesertim post folia contacta Rhois Toxicodendri, R. radicantis, R. vernicis et R. typhini. Idem valet ratione Amyridis toxiferae.

### Lemmniae.

Si quaedam est familia, quae repugnantias quoad effectus offerat, ei sine dubio Leguminosarum progenies est accensenda. Paucae tantummodo familiae naturales occurruunt, quarum externa species tantum

ostendat convenientiam, cum flos papilionaceus huic modo sit proprius. De viribus autem, quas in organismum animalem exserunt, idem dici non potest, quod ex sequentibus patebit. Prae omnibus Leguminosis insignes et in magna hac familia, si effectus peculiares species, propemodum unicae sunt Cassia Senna L., C. lanceolata Forsk., C. emarginata, C. Marylandica, Colutea arborescens, Spartium purgans, fortasse etiam Coronilla Emerus, quarum folia multa pollent vi cathartica. Folia recentia Ornithoppi scorpioidis et Hyperantherae Moringae cuti imposita, qua rubefacientia agunt. Leniter purgando agit pulpa, quae in fructibus Cathartocarpi fistulae, Tamarindi Indicae, Ceratoniae Siliquae continetur, id quod etiam de Inga vera, I. marginata et Mimosa fagifolia prae-sumitur. E contrario pulpa, semina Sophiorae et Gleditschiae circumvolvens, virtute fortiter adstringente praedita est. Fructus Piscidia Erythrinae Galegae toxicariae, G. piscatoriae, itidem Robiniae violaceae qualitates narcoticas contineant necesse est, cum pisca-tores eis utantur. Fructus Stitzolobii urentis et St. pruriens pilis rigidis et fragilibus horrent, qui in cute pruriginem non tolerandam excitant, melle autem temperati, interne qua anthelmintica agunt. Mimosa fagifolia et M. dulcis pulpam dulcem et esculentam fructibus suis includunt. Quod ipsum semen attinet, in his quoque multae anomaliae, quoad effectuum rationem, obviae sunt. Legumina nostra usitata (pisa, fabae, viciae, cicera, lentes) multum amyli continent, quare vim suam fortiter nutrient adipiscuntur. Semina Cytisi Laburni sursum ac deorsum purgando agunt, quem effectum probabiliter principio amaro debent; (<sup>(20)</sup>) codem modo agunt Anagyris foetida L. et plures species Coronillae. Oleum pingue reperitur in seminibus Arachidis hypogalae et Hyperantherae Moringae, probabiliter oleum pingue cum oleo aethereo conjunctum in seminibus Dyptericis odoratae ac Trigonellae foenugracci. Oleum aethereum obvium quoque est in floribus suaveolentibus Mimosae xylocarpae, M. Farnesiana et M. ciburnea. Radices, quae in pluribus speciebus generum Genistae et Ononi-

(20) Chevalier et Lasseigne in Buchneri Repertorio 7, 268.

dis, in Guilandina Nuga et Hyperantha Moringa, ut et in Anthyllide Cretica, virtute diuretica et cathartica vigent; si tuberum specie apparent, ut in Lathyrus tuberoso, Dolicho tuberoso, et D. bulboso, Orobo tuberoso, O. rotundifolio, O. nigro, Glycine Apia, tantam faeculae copiam continent, ut stultarem cibum offerant. Radices plurium Glycyrrhizae specierum peculiari principio saccharino gaudent (Glycyrrhizino), quod forsitan etiam in radicibus Trifolii Alpini et Abri praecatorii inveniri possit, cum ambae saporem Glycyrrhizae saccharinum participant. — Cortex plurium Leguminosarum amarus est et adstringens, praecipue in genere Geoffroyae et in speciebus arboreis, quae generi Aeschynomenes annumerantur, item in Caesalpinia Bonducella et Mimosa amara. Magnam Saponini copiam in cortice Mimosae Saponariae obvium esse oportet, cum ex eodem artis quoddam opus, saponi communi simile, praeparetur. Quodsi denique ad succos eos exsudatos respicimus, quos plures plantae hujus familiae exhibent, haud immerito diversitatem eorum miramur. Quanta discrepantia cum quoad qualitates physicas, tum ratione effectuum medicorum, animadvertisit inter balsamum Peruvianum (e Myroxylon peruvifero), balsamum Copaivae (e Copaifera officinali), Gummi Arabicum (ex Acacia vera, A. Nilotica, A. Arabica, A. Senegalensi), et Tragacanthum (ex Astragalo cretico, A. gummifero, A. vero)! Ut a nonnullis traditur, et Gummi Kino ex planta quadam huc pertinente, nascitur, e Butea frondosa Roxb. — Acacia Farnesiana itidem gummi quoddam magnopere constringens exsudat. Quid? quod diversa jam principia tinctoria, quae in extractivo plurium plantarum, huc referendarum, reperiuntur, magnam temperaturae succorum internae diversitatem, ideoque etiam diversos in organismum animalem effectus innuunt. Familia enim Leguminosarum est, quae Indigo (genus Indigoferae), sanguinem Draconis (Pterocarpus Draco et P. Santalinus), et varias ligni species, tingendo inservientes (Caesalpinia echinata, C. Sappan, Haematoxylon Campechianum) suppeditat.

### R o s a c e a e.

Hic praecipue ad magnum diversitatem animus est advertendus, quae inter Rosaceas, acidum hydrocyanicum continent, eoque carentes, inventur. Postiores saepe elementum adstringens continent, quod in radicibus Gei urbani cum aromate nuptum, in Spiraea Filipendula contra cum multa facula conjunctum, obvium est.

### U m b e l l i f e r a e.

Qualitates plantarum, huc pertinentium, ut de effectu Umbelliferarum in genere rite possit judicare, attento animo inter se comparanti, ipsamque legem, a fautoribus hujus theoriae prolatam sequenti, difficultates tamen occurrent, quibus expediendis omnino impar erit. Solum enim respiciendum esse dicunt, ubi plantae crescunt, tum vero earum qualitates praestitui posse; quodsi solum siccum sit, arenosum, calce plenum luci solique expositum, sive in omnibus earum partibus, sive saltem in seminibus, oleum aetherium, vel elementum quoddam gummioso-resinosum, vel sacharinum, quod plerunque in radicibus plantarum deprehenditur, excoli affirman. Quodsi vero solum sit humidum multaque umbra opacatum, in plantis eo loco provenientibus, principium narcoticum vel acre, indolis plus vel minus volatilis, reperiri contendunt. Concedamus, hanc legem pluribus in casibus ratam esse et comprobatam, in universum haud videtur accipienda. Oenanthe Phellandrium, uti constat, humidis locis crescit, nihilominus tamen semina ejus copiam haud contemnendam olei aetherici continent. Conium maculatum, solo sieco enatum, uti haud raro observatur, qualitates suas narcoticas semper retinet, idemque dicendum de Aelusa Cynapio et Anthrisco vulgari Pers. (Scandice Anthrisco L.). Crithimum maritimum, in maris littore Europae australis proveniens, aromaticum est, ita ut planta, aceto condita, cibis condendiis inserviat. Angelica Archangelica, quae in solo natali plerunque in rivorum ripis conspicitur, ob radicem aromaticam, quae excitans volatile, magni faciendum, offert, haud ignota est. Apium Petroselinum, quod itidem in solo patro humido crescit locis, odorem spargit aromaticum penetrantem. Jam ex

paucis his, quae allegavimus, intelligitur, quid de regula illa sit existimandum. Imo etiam, si haec excipienda non essent, num criterium, quod proponunt, ut plantas huius familiae, ad usum therapeuticum, in justum ordinem redigant, certum est ac fide dignum? Num eo forte certae plantarum classes naturales distinguuntur? Minime, nam plantae e diversissimis generibus et catervis modo humido loco, modo sicco crescunt, neque tamen qualitates mutant. Haec igitur lex solvendae quaestioni: quatentis vires medicinales plantarum ex formis earum pendeant, sufficer non potest.

Quodsi radices, effectus respicientes, inter se invicem comparamus, magnam phaenomenorum intelligimus diversitatem. Acris et aromatica est in Pimpinella Saxifraga, P. nigra, P. magna, P. dissecta, Imperatoria Ostruthio, Ligustico Levistico, subdulcis in Sio Sisaro, Pastinaca sativa, Dauco Carota, Apio Petroselino, Eryngio campestri, narcotica conspicitur in Oenanthe fistulosa, O. crocata, Chaerophyllo sylvestri, C. temulo, et C. bulboso; elementa gummosoresinosa continent plures species generis Ferulacae ac Seseli; radix Astrantiae majoris drasticum est. Eandem diversitatem herba offert; folia Hydrocotyles vulgaris acria sunt, narcotica reperiuntur in Conio maculato, Aethusa Cynapi, Anthrisco vulgari, in pluribus speciebus generis Chaerophylli; aromatica in Athamantha Oreoselino, Crithmo maritimo, Ligustico Levistico, Scandice odorata. Nonnullis aliis pulmentorum loco vescimur, ideoque nil noxi vel suspecti continent, ut Apium Petroselinum, Daucus Carota, Scandix Cerefolium, Carum Carvi. Maxima sane convenientia observatur in seminibus; in genere oleo aethereo repleta sunt, quod in iis, praecipue in sic dictis vittis invenitur; attamen sunt quaedam odoris experientia, cuius rei exemplo Apium Petroselinum inservire potest. Semina Anethi graveolentis avibus sunt pestifera, idemque de Aniso perhibetur, cuius oleum columbis imprimis noxiun esse ajunt.

### Caprifoliaceae.

Adstringens admodum est cortex Lonicerae corymbosae, Corni floridae et C. sericeae; liber Sambuci ychemens est emeticum et catharticum. Fructus

plurium Corni specierum esculenti, fructus Hederac virulenti sunt; plures species Lonicerae fructus saltem suspectos ferunt. Triosteum perfoliatum in omnibus partibus magno amaritudinis gradu conspicuum est, radix vero simul sub-fastidiosi est saporis et odoris, qua re, quoad effectus ad Ipecacuanham proprius accedit; paullo majoribus dosibus vero quam Jalappa data, vi quoque gaudet purgativa. (21)

### Rubiaceae.

Tres plantarum partes praecipue hic in comparatione respiciendae sunt, radix, cortex ac semina, quarum quaelibet multas admodum anomalias offert.

Quod radicem attinet, multae species generum, hue pertinentium, Asperulae puta et Galii, quae nobis etiam occurunt, hac in parte principium tinctorium rubrum continent, quod in Rubiaceis multis exoticis quoque deprehenditur; idem obvium est in Morinda umbellata, M. citrifolia, Hydrophylace maritima, Patubea coccinea, forsitan etiam in Danaide fragrante, cum rubra ejus radix conspicatur. Cum his radices plurium specierum earum Rubiacearum, quae Ipecacuanham exhibent (Psychotriae emeticae, P. herbaceae, Cephaelidis Ipecacuaniae), comparantibus, magna profecto diversitas appetit, cum si qualitates physicas, tum si virtutes medicinales respicias. Radix Chiococcae racemosae nuperrimo tempore, auctore de Langsdorfio, ceu remedium in hydrope eximum innotuit. Nec minores sunt anomaliae, quas cortex nobis suppeditat, atque hic proprietates praestantes corticis Peruviani in censem veniunt. Fatemur quidem, multas hujus familiae plantas, quoad effectus, cum eo conveuire, quod non modo dictum sit de speciebus, ad genus Cinchonae pertinentibus, sed etiam de pluribus speciebus Guettardae, Exostemmae ac Portlandiae. Neque tamen huic convenientiae multum tribuendum puto, cum in multis omnino plantis ex diversissimis familiis effectus deprehendamus, effectibus corticis Peruviani valde analogos, in familiis, inquam, quae nullam prorsus cum Rubiaceis affinitatem produnt; sic adeo Par-

(21) Bigelow.

meliam parietinam in corticis Peruviani locum substituere haud dubitarunt. E contrario Rubiaceae quae-dam in cortice adstringens validum continent, ut genus Antirrhæa (Melaneæ Lam.), Morindaæ Royoc pluresque species generum Rubiae, Galii et Asperulae. Quodsi testimonio Hunteri ac Roxburghii fides non est deneganda, Gummi Kino e cortice Rubiaceæ cù-jusdam effluit, Naucleæ videlicet Gambir Hunt. (Uncariae Gambeer Roxb.) quæ fortasse duæ sunt plantæ plane diversæ. Species deterior hujus ipsius Gummi e Coccoloba uvifera, ad familiam Polygonearum pertinente, provenire dicitur; Pharmacopœa Dublinensis Buteam frondosam indicat, (vid. Leguminosas); videntur tamen plures plantarum memoratarum hoc Gummi exhibere, forsitan omnes, forsitan etiam nonnullæ haud cognitæ. Quinquina Piton (22) (e Cinchona montana Badier vel Exostemma floribundo Röm. et Schult.) alvum móvet eoque omnibus reliquis speciebus generis Cinchonæ palmam præeripit. — Elementa tinctoria quoque in pluribus reperiuntur corticibus, sic cortice Psychotriæ parvifloræ, rubro cortice Psychotriæ sulphureæ, luteo colore inficitur; decoctum corticis Cinchonæ oblongifoliae itidem rubrum est. Sed jam ad fructus nos convertamus, quomodo illi se habeant, consideraturi. Hic quidem primo duas inter se invicem plane diversas fructuum species observamus, eas videlicet, quarum perispermium cornuum, easque quarum perispermium carnosum est. Ad priorem pertinet Coffea arabica L.; ejus loco Indi fructibus utuntur Psychotriæ herbaceæ; fructus Genipæ oblongifoliae pulpam continet, quam Indi ad nigrum colorem manibus et faciei inducendum adhibent; Genipa Americana et Gardenia longiflora fructus præbent edules, jucundissimi quidem saporis. Postremo oleum quoque aethereum in hac familia obvium est, cum flores Cinchonæ magnisfoliae. Cosmibueneæ obtusifoliae, Coutareaæ speciosæ ac Stevensiae buxifoliae tam jucundum quam fortè odorem spargant.

(22) Flore medicale des Antilles etc. par M. E. Descourtilz ancien medecin du Gouvernement à St. Domingue. Tom. I. Liv. 1—6. Paris 1821.

### C u c u r b i t a c e a e.

Hic rursus fructus sunt, qui effectuum diversitatem offerant. Multi quidem in eo conveniunt, quod succum aquosum, quandoque saporis experiem, quandoque vero jucundi saporis continent. Ab his multum omnino discedit Cucumis Colocynthis, cuius fructus, uti constat, vim magnopere drasticam exserunt. Momordica balsamina et M. Charantia itidem acres sunt et alvum liquefaciunt, quod etiam de Momordica Elateris dictum sit; fructus Trichosanthis amarae amarus est.

### E r i c i n e a e.

Huic familie quidem in multis organis sapor adstringens, plus vel minus fortis, proprius est, e. g. in Arbuto uva ursi, Azalea procumbente, Rhododendro ferrugineo, R. Chrysantho, Ledo palustri, Andromeda polifolia, foliis, attamen jam in speciebus generis Rhododendri acris fit et in Kalmia in venenum genuinum transit, quod quidem Bigelowius (23) negat. Acere hoc principium per plura genera hujus familie diffusum reperitur; sic v. c. mel, quod apes e floribus Azaleæ Ponticae præparant elementum narcoticum sistit; quod etiam in Andromeda Mariana, A. polifolia, Gaultheria procumbente, et in Ledo palustri obvium est. Fructus, ubi ceu baccae apparent, propemodum omnes comedì possunt, capsulae vero, siccæ et coriaceæ, nulli usui aptæ sunt. Hic quoque oleum aethereum adesse, de Epigaea tantum repente indicatum inveni, cuius flores suaveolentes dicuntur.

### O l e i n e a e.

Haec familia plantas amplectitur cum fructibus carnosis et siccis. Camosi oleum pingue continent, quod vero non in seminibus, sed in pericarpio sedem habet; qua re genus Oleæ ab omnibus reliquis plantarum generibus disceñitur. Ubi vero fructus siccii sunt, oleum nullum appetit. Varias species generis Fraxini (F. rotundifoliae Lam., F. excelsioris Lam., F. parvifoliae Lam.) et Ornus Europœa (Fraxinus Ornus L.) dulcem illum succum, sub Mannæ nomine

(23) Bigelow l. l.

notum, exsudant, et si non omnes pari copia. Hac tamen qualitas in aliis Oleineis non deprehenditur. Oleum aethereum rarissime quoque obvium est, flores Oleae fragrantis in China et Japonia theac potui ad miscentur.

### A p o c y n e a e.

Plantae, quoad effectus rationem, admodum diversae in numerosa hac familia obviac sunt. Radices nonnullarum in solo natali, ob qualitates vomitum excitantes, Ipecacuanhae loco adhibentur, ut Asclepias procera Forsk., A. Curassavica Lam., Cynanchum tomentosum Lam., C. Ipecacuanha, C. monspeliacum, Periploca emetica Retz. — Radix contra Ophioxyli serpentini purgando agit, qui effectus in radice Asclepiadis decumbentis, A. tuberosae, Periplocae Secamones, Allamanda catharticae, Cerberae Manghas denuo reperitur. Drasticae hae qualitates vero non solum in radice adsunt, sed interdum etiam tota planta continentur, quae tum haud immerito venenis vegetabilibus vehementissimis accensetur. Hoc respectu memoratu imprimis digna sunt Asclepias gigantea ac genus Cerberae, quarum succus lacteus, in idolem Caoutschouk referens, hanc vim exserit. Caoutschouk in genere pluribus plantis, hic pertinentibus, continetur, quamvis quod in commercio obvium est, forte ab Apocynea unica tantum obtineatur (ab Urceola elastica Roxb.), praeterea vero illud plures plantae exhibent, aliis familiis annumerandae. Hic succus non semper in statu recenti adeo est acer, ut in Caoutschouk observatur; sic v. c. Asclepias lactifera succum lacteum jucundissimi praebet saporis, tanta quidem copia, ut Indis nutrimenti loco inserviat. Praecipue vero surculi recentes crebro in vicem alimentorum adhibentur, praesertim surculi Periplocae esculentae, Apocyni Indici, A. reticulati, Asclepiadis aphyllae Lam., A. syriacae, Pergulariae edulis Willd., Cynanchi Ipecacuanhae et aliarum quarundam. Loco elementi acris in cortice quandoque amarum quoddam cum modice adstringenti mixtum satis copiose excolitur; tum quidem haec pars eu Febrifugum et antidysertericum adhibetur, quo pertinet Nerium antidysertericum et Echites antidyserterica. Plantarum species, his quo-

que accensenda, Tabernae montana arcuata, succum glutinosum exsudat, qui, aëri expositus, induratur ac Gummi-resinam refert, ergo a Caoutschouk diversum.

### C o n v o l u l a c e a e.

Hic radix praecipuis gaudet qualitatibus. Multae species generis Convolvuli radices exhibit, vehementibus viribus drasticis praeditas, ut Convolvulus Scammonium, C. Jalappa, C. Turpethum, C. Mechoacanæ, C. panduratus, C. macrorhizus, C. macrocarpus; species quoque nonnullae domesticæ has vires produnt, ut Calystegia sepium et C. Soldanella. Contra vero quaedam reperiuntur cum radicibus plane innocuis, quibus adeo vescuntur, ut Convolvulus edulis et C. Batatas. Ambo Försteri etiam quandam speciem commemorant, quam, ob brevem in illa insula maris Australis stationem, ratione disciplinae botanicae consentanea definire iis hand licuit; propter luteam vero ejus radicem Convolvulum chrysorhizon eam nominarunt. Esculenta hacc itidem est.

### S o l a n e a e.

Plantas hujus generis quoad singula organa examinanti, similiter quam maximæ qualitatum et effectuum varietates obveniunt. Virulentæ admodum sunt radices Atropae Belladonnae, Mandragoræ officinalis, Hyoscyami nigri, atque haec quidem pars, ratione clinica habita, tanquam praecipua videtur consideranda. Quodsi cum his tubera edulia Solani tuberosi, S. montani et S. Valenzuelæ, quae multum amyli continent, comparamus, discriminem, quod inter eas intercedit, mox fit conspicuum. Folia in multis speciebus elementum valde narcoticum ostendunt, ut in speciebus jam memoratis, alia contra vires diureticæ exserunt, ut Physalis Alkekengi, P. Peruviana, Nicandra physaloides, alia mitia sunt et mucilaginosa, ut Verbascum, alia adeo comeduntur, ut folia Solani nigri. Fructus numerosæ hujus familie nobis considerantibus, itidem, quoad agendi rationem, insignes discrepantiae occurruunt. Ob proprietates virulentas noti sunt fructus Atropae Belladonnae, generum Daturaæ, Hyoscyami, Cestri. Contra esculenti sunt fructus

Physalidis Alkekengi, P. Peruviana, Solani Melongenae, S. incani, atque fructus generis Lycopersici. Capsulae Capsici annui, C. frutescentis, C. baccati, C. minimi, C. grossi, virtutibus suis acribus, quas Capsicino acceptas referunt, insignes sunt.

#### Personatae.

Cum maxima pars plantarum hujus familiae odoris expers sit, genus a Lamarkio propositum, Ambalia, aromaticum prodit odorem. Plures species prorsus se habent indifferentes atque pulmentariorum loco comeduntur, ut genera Mimuli et Antirrhini (quod tamen posterius genus a Linaria separatum mente est concipiendum). Sed et plantae hujus familiae efficacissimae multa in virtutibus suis ostendunt contraria; hoc respectu genus tantum Gratiolae, quod enormi amaritudine excellit, cum genere Digitalis comparandum est, in quo virtutes narcoticæ praecipue eminent.

#### Labiatae.

Si de plantis hujus familiae affirmatur, eas oleum aethereum continere, eisdem exceptionem invenio in Glechoma hederacea, Lamio albo, Stachye recta, Leonuro cardiaca, Lycopo Europaeo, Ballota alba, B. nigra, ac pluribus aliis. Rectius diceretur, oleum aethereum et extractivum amarum huic familiae propria esse, quae tum separata, tum conjuncta comprehenduntur; quod quidem, quoad effectus in organismum animalem, omnino discrimen constituit. Extractivum amarum imprimis præse fert genus Teuerii.

#### Acanthaceae.

Radix Acanthi mollis et plurimum Justiciae specierum odoris et propemodum etiam saporis est expers. Justicia paniculata vero radicem habet mirifice amaram, quae in Ruellia clandestina amara et adstringens appareat et ceu febrifugum adhibetur; radix Justiciae pectoralis saporis est acris, Scenogae similis, cuius loco quoque inservit. Folia plurimum plantarum, huc pertinentium, mucilaginosa sunt, notabilem tamen exceptionem sistit Justicia Adhatoda, cuius folia tam vehemens exhibent drasticum, ut in solo suo natali crebro ad abortum producendum usurpentur.

#### Piumbaginaceæ.

Haec familia duobus tantum generibus constituitur, Statice ac Plumbagine, quorum singulorum species in effectu suo multum ostendunt similitudinis, sed ambo genera, inter se invicem comparata, quoad agendi rationem, magnopere alterum ab altero sunt remota. Species generis Statices omnes elemento quadam adstringenti ac tonico scatent, unde etiam radice Statices Limonii adversus haemorrhagias et diarrhoeas, radice vero Statices speciosae, secundum Rehmannum, Sibiriae incolæ in prolapsu uteri utuntur; itidem Statice Caroliniana in America septentrionali ceu adstringens adhibetur. Contra Plumbago Europaea, P. scandens, P. rosea, P. Zeylanica principio acri sunt imbutae; hinc folia, cuti imposita, ceu remedia rubefacientia, ino vesicantia, agunt et ad hunc finem frequenter in solo natali usurpantur.

#### Chenopodiaceæ.

Multae species, generum Chenopodii, Salsolæ, Anabasis, Salicorniæ, olerum loco comeduntur, quamvis elementum salinum, quod ubertim continent, posterioribus acrimoniam quandam impertiat. Nonnullæ magna olei aetherei copia sunt insignes, quod odore forti cognoscitur, qui in genere Camphorozæ, in Chenopodio Botrys, C. ambrosioidæ et in Petiveria alliacea quam maxima est conspicuus. Phytolacca decandra in omnibus partibus, praesertim in radice vim continent emeticam, qua ad Ipecacuanham proprius accedit, quam illa alia planta Americana; (<sup>24</sup>) paullum narcoticæ etiam continere fertur, recentes tamen surculi cibo inserviunt. In primis vero hujus familiae plantæ memoratae dignæ sunt, quia ad præparandam Sodam adhibentur, cui rei præcipue plantæ in maris littore crescentes, sunt accommodatae, atque hac in re omnino magnam demonstrant convenientiam. Plantæ, quae ex hac familia huic usui dicantur e generibus Salicorniæ, Halocnemi, Chenopodii, Cochliospermi, Salsolæ, Kochiae, Atriplicis et Anabaseos sumuntur. Quod semina attinet, in Atriplice hor-

(<sup>24</sup>) Bigelow l. l.

tensi satis fortia sunt drastica, cum emesin et alvi dejectiones dolentes excitent. Semina Chenopodii anthelmintici in America septentrionali contra vermes adhibentur, semine reliquarum Chenopodearum indifferentia sunt.

### Laurineae.

Paucae admodum sunt familiae, quae tantam in formis et qualitatibus ostendant convenientiam, quam Laurineae. De omnibus propemodum affirmari potest, eas in plurimis partibus oleo aethereo esse imbutas; nam Camphora, quam multae species continent, ictidem pro oleo aethereo est habendum. Quo magis est notabile, quod in Lauro caustica plantam reperimus, omnibus illis observationibus repugnantem. Haec arbor, cuius patria Chili est, tam acriter exspirat, ut si quis in ejus umbra decumbat, in omnibus nudis corporis partibus axanthemate quodam pustuloso inficiatur. Et in caedenda hac arbore, magnopere cavidum est, ne succus acer nudum corporis locum tangat, alioquin enim fieri non potest, quin exanthema illud appareat.

### Aristolochiae.

Hic radix medicō pratico maximi est momenti. Acris et amara est in Aristolochia rotunda et A. longa, acerrima in A. Clematitide. Radix contra A. Serpentariae fortis est odoris, camphorae similis, et in A. anguicida succum foetentem, coloris aurantiaci continet; interne sumta nauseam ac vomitum excitat. Simili modo agit quoque radix recens Asari Europaei; Asarum Canadense contra odorem edit fortē aromaticum, quare vel Serpentariam superat, unde a priori jam vim medicinalem haud mediocrem ei inesse, colligere licet.<sup>(25)</sup>

### Euphorbiaceae.

Quod primo radicem attinet, in nonnullis insignem vim emeticam deprehendimus, ut in Euphorbia Ipecacuanha L. — In Jatropha Manihot vero radix veneno vehementi est imbuta, et quam celerrime ne-

<sup>(25)</sup> Bigelow. I. I.

cem asserti, a cervis tamen sine damno comeditur. (Humboldtio auctore, in America Australi duae sunt Manihot species, una dulcis, altera amara). In quibusdam hujus familiae plantis, et quidem in omnibus earum partibus qualitates virulentiae obviae sunt, e. g. in Hippomane biglandulosa, cuius jam umbra periculosa est, in Euphorbia Tirucalli, E. Canadensi, E. officinarum, Excoecaria Agallocha, Adelia venenata. — Euphorbia balsamifera Ait. succum album continet, quem, ut gelatina inde esculenta conficiatur, condensant. <sup>(26)</sup> Multae Euphorbiaceae Caoutschouk exhibent, ut Hevea Guyanensis Aubl., Castilleja elastica Cav., Commiphora Madagascariensis, Excoecaria Agallocha, Hippomane Mancinella, Hura crepitans, et s. p. — Mirum igitur nobis videri debet, quod in vicinia harum plantarum, viribus tam vehementibus praeditarum, Croton Cascarilla conspicitur, corticem Cascarillae officinalem offerens. Pari modo ab illis valde diversa sunt Croton aromaticum L., C. balsamiferum L. et nivale, quorum succus aromaticus est. Cortex Alchorneae latifoliae extractum amarum sine onni acrimonia continet. Postremo allegandae hic sunt plures Euphorbiaceae, quae principium produnt tinctorium, quod in reliquis Euphorbiaceis frustra quaeritur; Croton videlicet tinctorium ad preparandum Laemus adhibetur; Dombeyo auctore, in Chili et Croton tricuspidatum Lam. (C. lanceolatum Cav.) huic usui inservire, fertur.

### Urticeae.

Hic rursus anomaliae deprehenduntur numerosae. Quaedam Urticeae, et quidem Artocarppearum caterva, succum lacteum continent, qui revera est Caoutschouk, vel saltem admodum illi propinquus; ut Ambora Tambourissa Lam., Cecropia peltata, Artocarpus incisa et A. integrifolia, porro Ficus toxicaria, F. anthelmintica, F. religiosa, F. Benghalensis, F. nympheifolia, F. Indica, F. radula Humb. et Bonpl., ipsa adeo F. Carica. Succus nomiullarum specierum venenum est

<sup>(26)</sup> L. v. Buch: Allgemeine Uebersicht der Flora auf den caribischen Inseln, in den Abhandlungen der Akademie der Wissenschaften zu Berlin. 1816 und 1817.

excultum, ut in Ficu toxicaria Lechn. (*Ipo toxicaria* Pers.), cum aliae omnino sint innoxiae. Radix Artocarpearum itidem anomalias offert; sic e. g. radix Mori nigrae acris est, amara ac purgans, radix Dorsteniae Brasiliensis, emetica, rad. Dorsteniae Contrayervae amara, aromatica, excitans, et remedium exhibet anthelminthicum. Semina multarum specierum generis Piperis, (*P. longi*, *P. Cubebae*, *P. nigri*, *P. heterophylli*), ac primum omnibus species generis Peperomiae aromaticae sunt et irritantes; e contrario quaedam species, ut *Piper Betle*, *P. siboga*, *P. inebrians*, *P. methysticum* revera qualitates produnt narcoticas. — Quodsi fructus omnium Urticearum, comparationis gratia, componuntur, magna quoque diversitas observatur. Quantum differunt fructus generis Ficus et Piperis! Multae priorum species comeduntur, ut *F. Carica*, *F. Sycomorus* etc., aliae virulentae sunt. Fructus Mori nigrae et *M. albae* edules sunt, semina Cannabis oleo pingui scatent.

#### A m e n t a c e a e.

Et hic analogia inter formas et effectus minime tanta est, quanta primo intuitu videtur. Fructus v. c. consideranti, facile diversitas patebit. Esculenti sunt in *Castanea vesca*, in *Corylo Avellana* et *C. tuberosa*, in *Quercu Castanea*, *Q. Ballota*, *Q. Subere*, *Q. Ilice L.*, *Q. Privo L.*, *Q. cuspidata* Thunb., *Q. Molucca L.*, *Q. rotundifolia* Lam., *Q. Esculo*, *Fago sylvatica* propter magnam amyli copiam; in aliis principium tanninum adeo praevalet, ut ad comedendam non apti fiant, quod similiter multae species *Quercus* comprobant. In nonnullis cortex multum est adstringens, nominatim in *Quercu Robore* ac *Q. pedunculata*, non item in *Q. Subere*, quae lignum suberinum notissimum exhibit.

#### L i l i a c e a e.

In universum de Liliaceis affirmari potest, radicem partes continere efficacia pollentes. Admodum virulenta est in *Haemantho toxicario*, qui ad veneno insiciendas sagittas adhibetur, item in *Hyacyntho orientali* ac *Fritillaria imperiali* veneno instructa est. E contrario, bulbi *Scillae* et *Allii* principio gaudent

aci volatili, cui rei usus corum tam medicus quam oeconomicus innititur. Mirum vero quantum ab his discrepet radix *Erythronii dentis canis*, quae nihil acre, nihil omnino suspectum prodit, sed farinosa est. Radix *Convallariae Polygonati* contra mucilaginem tantum itidemque nil acre continet. Quod folia attinet, quaedam species generis *Aloës* enormi amaritudine eminent, cujus in genere admodum propinquo, *Agaves*, ne vestigium quidem apparet; hoc potius succum exhibet dulcem vel subacidum, e quo Americani potum, *Pulche dictum*, praeparant. Ut *Aloë* foliorum amaritudine, ita genus *Bromeliae* fructuum suavitate insigne est, et inter Liliaceas unicum.

#### P a l m a e.

Palmae, quae magnam, quoad structuram convenientiam nobis offerunt, qua praeclaram familiam naturalem constituant, haud magnam, quoad virtutes, analogiam produnt. In genere *Elaïdis* puls, semina involvens, oleum pingue continet, in *Calamo Zalaca* succum subacidum, qui in *Calaimo Rotang* adstringens, in *Caryota urente* et *Gomuto Rumphii* causticus est, cum in *Phoenix dactylifera*, in generibus *Arecac* et *Elates dulcis* ac nutriendis reperiatur. Quod semen ipsum attinet, dulce est saporemque amygdalinum referens in *Cocos nucifera* et *Elaïde Guineensi*, adstringens in *Areca Catechu*, *Calamo Rotang* et *C. Dracone*. Fructus *Elephantusiae macrocarpae* initio succum ostendunt aquosum, qui postea lactei fit coloris et dulcedinem adsumit; fructus *Phoenicis declinatae*, qui parechymate corio simili atque saporis experite sunt instructi, in promontorio bonae spei, ubi haec palma sedem habet domesticam, ab *Hottentottis* sub nomine *Coffea sylvestris* friguntur, quo facto, ut in frigenda *Coffea Arabica*, oleum empyreumaticum evolvitur. Maxima virtutum convenientia in trunco conspicitur, cum plures species *Sago* edant. Praecipue hinc in fine adhibetur genus *Metroxylon* Koen., *Sagi fariniferum*, *Gomuti Rumphii*, *Borassi flabelliformis*, *Caryotae urentis*, forsitan etiam plures aliae. Hic vero, ut saepius, *Areca Catechu* excipienda, cujus e trunco *Sago* capitul haud probum. Sunt tamen plantae in Cycadearum familia, quae iti-

dem Sago exhibent, ut *Cycas revoluta*, *C. circinalis* et quaedam species generis *Zamiae*. Unica vero est inter Palmas *Ceroxylon Andicola* Humb., memorabili illa virtute, qua ceram e truncu secernit.

### C y p e r a c e a e.

Quum hic praecipue radices alicujus in re medica sint momenti (ut *Carex arenaria* L., nec minus *C. hirta* L., *C. intermedia* Good., et *C. disticha*), silentio praetereundum non videtur, Cyperum esculentum in radice singulari illa et memorabili virtute praeditum esse, qua oleum pingue continent, quod adeo exprimendo obtineri potest. Aliae hujus generis species radicibus suis, multum faeculae continentibus, quae tum ceu bulbi apparent, sunt insignes, sic v. c. *Cyperus longus*, *C. rotundus*, *C. strigosus*, forsitan *Cyperus Hydra* et plures aliae.

### G r a m i n e a e.

Si magnam hanc familiam respicimus, numerus plantarum anomalarum utique exiguis est, sed hanc ipsam ob causam majoris momenti. Praesertim semina et culmi hic in censum veniunt. Cum maxima cultorum pars rationis sit indifferentis, in Bromo purgante et *B. cathartico* vires eximias purgativas observamus. *Lolium temulentum* prae omnibus reliquis Gramineis principio narcoticō, *Saccharum officinarum*, *Sorghum saccharatum*, *Zea Mays* elemento saccharino eminet. Oleum aethereum raro tantum deprehenditur, interim hoc respectu radix *Anthoxanthi odorati*, *Andropogonis Nardi*, folia *Andropogonis citrati* et culmi *Andropogonis Schoenanthi* memoratu digna sunt. Major concordia in seminibus obvia est, quae propemodum omnia magnam faeculae copiam continent; multa tamen diligenter sunt examinanda.

### F u n g i.

Sententiam eorum praetermittentes, qui hanc familiam, tanquam ad regnum vegetable omnino non pertinentem, considerant, cum ob magnam, quam continent, azotici copiam, regno animali sint propriores, id tantummodo, de Candolleum sequentes, in ra-

tionem suam eos recipientem; agemus, ut Lectorum animos ad magna illam discrepantium intendamus, quae in speciebus hujus familiae, late diffusae, obtinet. Haud minima similitudo in multis eo appareat, quod succum lacteum, nihil noxii prodentem, continent, sed potius talem, qui species illo praeditas, esculentas reddat. Eiusmodi sunt: *Agaricus campestris* L., *A. procerus* Scop., *A. Mousseron* Bull., *A. Pseudo-Mousseron* Bull., *A. albellus* de Candolle, *A. auricula* de Cand., *Amanita aurantiaca* Pers., *A. leucocephala* Pers., *Boletus edulis* Bull., *B. aureus* Bull., *B. albus* Pers., *B. aurantiacus* Bull., *B. asper* Pers., *Merulius Chantarellus* Bull., *Morchella esculenta*, *M. Mitra*, genera *Clavariae* et *Tuberis*, pluraque alia. E contrario, quidam tanquam summopere virulentí noti sunt, imprimis *Agaricus annularis* Bull., *A. olearius*, *A. urens*, *Amanita muscaria* Pers., *A. venenosa* Pers., *Phallus impudicus* et s. p., *Acres* et constringentes, licet haud virulentí, valde tamen suspecti sunt *Agaricus stypticus* et *Boletus Laricis*, qui posterior simul vehemens drasticum exhibit.

### E p i c r i s i s.

Paginis antecedentibus operam dedi, ut ea offerem, quae mihi, experientiam sequenti, haud immerito rationi, a de Candolleo propositae, opponi posse viderentur. Jam intelleximus, quam multis in familiis plantae cum qualitatibus, sibi repugnantibus, vel a se invicem discedentibus, obviae sint, atque in familiis quidem, quae a de Candolli sectatoribus et patronis, ad confirmandam sententiae suae veritatem, ipsorum documentorum loco, allegantur. Reliquum nunc foret, ut probaretur, inter vires quoque medicinales plantarum, ad familias sibi propinquas pertinentium, nullam esse convenientiam. Sed cum jam in universum nullam, seu nimis laxam inter vires plantarum uniuersitatis analogiam statuerim (quae quidem in singulis casibus prorsus negari non potest), eo minus erit statuenda, ubi de comparandis virtutibus plurium familiarium agitur. Ita enim ipsa de Candolli sententia simpliciter confirmaretur. Quid ergo? num a veritate illa prorsus abhorret,

num omni fundamento destituta, commentitia est, nec nisi vanum ingenii lusum hominis acutissimi nobis offerat? Neutquam. Plura enim argumenta, ex ipsa experientia desumpta, nimis ei faveunt et impedire videantur, quo minus cam totam rejicere sustineamus. Legem tantum, ab eo propositam, universalem esse, nego, neque haec theoria mihi arridet, si ad artem medicam proprius eam referre quidam moliuntur, quod ut supra jam memoravi, periculosissimis erroribus ansam et occasionem subministraret. Ceterum praeclarissimorum virorum suffragia sibi conciliavit; Camerarius, Isenflammius, Wilkius, Gmelinus magni eam pendebant, recentiores ultra progressi, nimium ei statuebant premium, qua re sententiae suae officiebant. Nam cupidio hominibus insita, omnia investigandi et explicandi, unde tanquam uberrimo e fonte, cuncta, quae in doctrina de natura rerum egregie detecta et explorata sunt, promanarunt, et hic animos capiebat stimulosque eis admovebat. Diligentius igitur rem examinans, quid verum, quid falsum esset in ea, jam apparuit, judiciorumque latorum summam eo arbitror contineri, quod illa ratio multis quidem in casibus omnino comprobetur, in pluribus vero incertam se exhibeat ac levem, ita quidem, ut ad artem salutarem relata, nunquam peritorum desiderio exacte respondeat. — Ergo quodam modo revera convenientia quaedam inter formas ac virtutes plantarum statuenda; atque jam quaeritur, quomodo illa sit explicanda. Dici posset: plantas, quarum structura externa, quoad conditions primarias, eadem est, in structura etiam interna analogas esse, hinc vitam internam similem degere, ideoque similes humores praeparare; sed quomodo tum anomaliae expedientur, quas frequentes occurtere jam observavimus? Vis organico-vitalis profecto est, quae in singulis plantis diversam induit speciem ac multifariias producit variationes. Quodsi vero integræ familie analogiam quandam produnt, allis adhuc causis eandem attribuere libet. Rescipienda enim hic erunt.

1. Solum natale. Plantæ alimenta semper e solo, cui adhaerent, accipiunt, eaque materia, qua aluntur, in diversis organis nutritoriis, vis vitalis ope, praeparatur. Innumera propemodum sunt, quae huic

sententiae, sed minus recte opponantur. Contrariam eo defendi autunarunt, quod partes soli constitutivæ in plantis denuo non reperiuntur; sic e. g. tantum abest ut frumentum, quod in scoriis officinarum, Arsenicum tractantium, crevit, vi prædictum sit virulentæ, ut potius illud in montibus metalliferis Saxoniæ sub nomine frumenti virulentæ (Giflkorn) emendi occasio anquiratur, cum terræ mandatum, uberiores fructus ferat; abietes, in pura arena, sine quodam calcariae præsentis vestigio, natae, in cineres redactæ, tamen 65 p. Ct. calcis carbonicæ exhibebant; Arundo et Carices, quae in limo proveniunt, ubi nullam terram siliceam attrahere possunt, in tota superficie tantum terræ siliceæ continent, ut adeo in loco obscuro chalybi allisæ, scintillas edant. His ita respondeo: utique partes constitutivæ soli non directe in plantas trahentes, haec enim radiculis primaria tantum soli elementa attrahunt, quae tum, vi earum organico-vitali, sive rursus compoununtur, sive minus. Saepissime igitur, plantas unius ejusdemque soli similes paene virtutes ostendere videbimus, cui rei adscribendum est, quod in generibus Caricis, Cyperi, Scirpi, vires fornis externis adeo sint subjectæ. Plantæ, in maris littore natae, fere omnes ad præparandam Sodam adhiberi possunt. Quantam solum in plantas exserat vim, intelligimus, si Valerianam officinalem, in montibus natam, cum ea conferimus, quae locis palustribus provenit, vel si inter Rhubarbarum Germanicum ac Mongolicum comparationem instituimus.

2. Ratio climatica. In climate australi perfectiores et generosiores plantarum succi producuntur, atque in universum regiones, meridiem versus sitae, majori naturæ efficacia et, ut ita dicam, nisu forinativo gaudent. — Arbores altissimæ, colores pulcherrimi ac splendidissimi, aromata valentissima, olea aetherea subtilissima, principium extractivum quam maxime excultum et amaritudine eximium, ipsa adeo venena acerrima terris tantummodo, inter tropicos sitis, propria sunt. Huic rei attribuendum, quod familiae naturales Myrtacearum, Melastomearum, Rutacearum, et plurium aliarum, tantam in virtutibus suis analogiam produnt. Hic vero objici posset, familiam Gen-

tianearum, quae quidem in Europa septentrionali et Asia, verum etiam in America australi, et quidem in montibus, Andes dictis, obvia est, licet clima, quo nascitur, sit diversissimum, magnam tamen ostendere convenientiam. Omnino; sed hoc ad priorem locum pertinet, ubi de vi soli in plantas disseruimus, cum montana sint sola, quae tum genus Gentianae, tum genus Exaci producant.

3. Conditio plantarum naturalis. Quo altiore locum planta quaedam in systemate occupat, tanto generosiores et perfectiores succos excolit; contrarium dici potest de plantis, inferiorem locum occupantibus. Inde ortum dicit analogia inter species familiae Hesperiacearum, Simaroubearum, ex altera parte, Algarum, Lichenum.

4. Ea plantae pars, quae elementa efficacia continet. In universum scimus, bulbos elementa acria continere, qua re analogia in familia Liliacearum et Colchicacearum nititur. Cortex contra adstringentibus magis et amaris virtutibus praeditus est, qua in re virtutum convenientia earum familiarium quaerenda est, quarum pars efficaciter agens cortex est.

5. Raro admodum medicamentum quoddam e regno vegetabili primitiva sua forma adhibetur, saepe praeparatione adeo est mutatum, ut artis opus ne propitis quidem ad operis naturae similitudinem accedit. Eo autem de effectibus remediorum falsum formatur judicium.

6. Confitendum est, nos veros medicamentorum effectus ne satis quidem cognitos habere. Medicamento quodam, quod nobis videtur indicatum, in morbo aliquo utimur, neque frustra; experientia enim edocti sumus, in hoc vel illo statu morboso, sive sit simplex, sive complicitus, certa remedia certas easque salutares producere mititationes. Hac vero via et ratione, quid de iis omnino judicandum sit, haud comprehendunt nobis est; alia enim phænomena in organismum sanum, alia in aegrotum remedium quoddam adducit. Examinentur medicamentorum effectus in sanis hominibus, tum demum in ordinem aptum redigantur. Haec respiciens, Cel. Joergius, in opere

suo, nuperime edito, (27) experimenta gravia grataque nobiscum communicavit.

7. Nec minus permagni mili momenti videtur, cognoscere, quas leges in agendo medicamenta sequuntur. Non hujus est loci, historica quadam expositione, secundum seriem chronologicam concinnata, tradere, quid inde a Dioscoride, (28) qui effectum medicamentorum e qualitatibus primitivis derivavit, ad nostrum usque tempus, hac de re scriptum, et tanquam veritati proximum, propositum sit. Liceat mihi tantum viri cuiusdam ingeniosi (29) sententiam hic asserre, qui in operis praefatione chemicum medicamentorum effectum his verbis tuerit: „Die sogenannte chemische Bearbeitung der Arzneimittellehre, als nach einem chemischen Princip, ist nicht bloß eine durchaus statthafte und richtige, sondern sie ist im vollkommensten und wahrhaftigsten wissenschaftlichen Sinne auch die allein richtige.“ — Utique illius operis auctor vera praedicare videtur, si legibus chemicis hoc respectu magnum statuit pretium, sed modum excedunt, qui omnia vitae phænomena legibus chemicæ examinis metiuntur et explicare conantur. Ne simus immemores, organismum vivum rationem etiam dynamicam animo nostro objicere, cuius ope omnia vitae phænomena diriguntur ac persciuntur. Hanc etiam in effectibus medicamentorum dijudicandis considerandam esse, liquet. Nam si in easu aliquo decem Opii grana, uno eodemque tempore porrecta, nihil fere efficiunt (ut in delirio trementi), in alio jam granum unum datum congestiones vehementes ac deliria excitat, quomodo haec legum mere chemicarum auxilio rite expedientur? Quoties elementa chemica medicamentorum cognita nobis sunt, quorum effectus difficillime vel haud om-

(27) Materialien zu einer künstlichen Heilmittellehre. Theil I. Leipzig 1825.

(28) De cognoscendis medicamentorum viribus ex eorum sapore reperitur codex Dioscoridis in Museo Madritano, teste Sprengelio in historia med. Tom. 2 pag. 86.

(29) Christoph Ernst Heinrich Bischoff: die Lehre von den chemischen Heilmitteln, oder Handbuch der Arzneimittellehre. Bonn 1825.

nino explicantur, quoniam cum illis elementis hos conciliare non possumus? Quamdiu igitur leges vitae organicae ejusque internae conditiones ignotae nobis sunt, tamdiu etiam semper aciem nostram fugiet, qua ratione medicamenta agant. Has vero internas vitae conditiones nunquam investigabimus; non enim ita comparatum est ingenium humanum, ut ad intima naturae penetralia aditus ei pateat. (Conf. egregium Halleri nostri, cuius memoriam nulla delebit aetas, dictum: *Sus Susse der Natur dringt kein erschaffener Geist.*) Id vero cognitionem etiam phaenomenorum, per medicamentorum effectum provocatorum, reddit difficultiorem; saepius enim contingit, ut effectus primarios a secundariis distinguere haud valeamus, atque vel plures in de Candollei systemate anomalias reperiremus, si vitae arcana jam essent patefacta.

8. Denique ne id quidem compertum nobis est et exploratum, num ea ratio, qua in compōnendis plantis utimur, vera sit ac naturae quam maxime accommodata. Non certe contempnenda sunt recentiorum botanicorum merita, qui rem vario modo illustrarunt; sed quis est, qui leges patefacere conetur, quas natura ipsa in procreandis et consociandis plantis sequitur? Negari haud potest, subtiliter distinguendo recentiorum quosdam justum modum excessisse, e. g. si quidam marginem alicujus folii denticulatum, aut pilosorem cujusdam partis conditionem satis gravem duxerunt, ut novam propterea effingent speciem; sic forsitan ex una specie naturali plures effectae sunt, quas scilicet, quoad virtutes medicas, inter se invicem analogas esse jusserunt. Quot planarum species a naturali indole degenerare et degeneratae progigni potuerunt, quae vero, in hortis cultae, sibi constant nec ad primitivam illam et agrestem speciem redeunt, unde eo magis suspicari licet, eas ad naturalium specierum numerum pertinere. Legantur quae de Uechtritius hac de re profert. (<sup>30</sup>) Jam Linnaeus et Adamsonus censebant, naturam nullas

(<sup>30</sup>) Botanische Bemerkungen vom Freiherrn Max v. Uechtritz  
in der Flora oder botanischen Zeitung von Hoppé. No. 3.  
Januarheft 1821.

species, proprie sic dictas, procreasse, sed genera tantum, prioresque non nisi soli, climatis, tractationis diversitate, in universum degenerando ortas esse; quae sententia fortasse veritati magis consentanea est, quam Willdenowio(<sup>31</sup>) videtur. Vel nunc plantas tali modo degenerare credas; in regionibus enim, quae per seculorum spatia jam rite indagatae et ab observatoribus attentissimis ac diligentissimis perquisitae sunt, semper adhuc novae species, antea in sistema non receptae, deteguntur.

9. Quod reliquum est, nec mirum nobis videri debet, si in magna regni vegetabilis serie plantas, simili vi et efficacia praeditas, sibi propinquas ac cognatas conspicimus; quam quidem affinitatem vix ad communem quandam legem reducendam, sed potius casu fortuito ortam existimaverim.

(<sup>31</sup>) Grundriss der Kräuterkunde. Berlin 1810. Pag. 486.

## Theses defendendae.

---

1. Mors minime status pathologicus.
2. Mortem semper status pathologicus praecedit.
3. Una tantum febris species exstat.
4. Analogia inter febrem et inflammationem quam maxima est.
5. Causae praedisponentes ipsae semper sunt morbi.
6. Inflammationis chronicæ existentiam nego.
7. Dantur morbi humorum.
8. Morbi primarii systematis vasorum non adsunt.
9. Datur autenergia pulmonum.
10. Omnes fere motus musculares sunt involuntarii.
11. Vagina etiam contractibilitate gaudet.
12. Rheum est remedium roborans.
13. Febris intermittens est morbus systematis nervorum.
14. Remedia primarie in sistema vasorum agentia non reperiuntur.
15. Emetica in Tracheitide exsudativa quam cautissime sunt adhibenda.
16. Depressio lentis extractioni praeferrri meretur.

17. Antispasmodica in hernia incarcerata minime valent.
  18. Morbus scrophulosus, Atrophia et Rhachitis sunt synonyma.
  19. Amputationum instituendarum optima methodus est, qua lobi formantur.
  20. Cornea non caret conjunctiva.
  21. Materia in hypopio effusa minime pus est.
  22. Analogia gemmas inter et bulbos quam maxima est.
  23. Tuber magis caulis quam radicibus annumerari meretur.
  24. Principium volatile Ranunculacearum et Cruciferarum oleo aethereo simillimum esse, contendeo.
  25. Tonus vitalis, et turgor vitalis momenta primaria et conditiones sunt omnis vitae organicae.
  26. Tonus vitalis, ultra modum auctus, spasmum dignit.
  27. Spasmi sedes in tela cellulari est quaerenda.
  28. Maximus turgoris vitalis gradus est inflammatio.
  29. Sedes inflammationis est sistema capillare.
  30. Duæ spasmi muscularis species exstant: Convulsio et Catalepsia.
-

## E m e n d a n d a.

Pag. 8 Lin. 37 pro ad huc repone adhuc.

- 17 — 20 post Serpentariae delendum est comma.
  - 20 — 30 — Anethum — — —
  - 20 — 30 pro al iis leg. aliis.
  - 24 — 34 — ad stringentibus leg. adstringentibus.
  - 34 — 51 — provocent leg. provocent.
  - 46 — 4 — semine leg. semina.
-